

真珠船



漢書門類			
二	八	九	九
九	二	九	
一	〇	二	
一	〇	二	
冊	架	函	號

內閣文庫			
三〇	二	八	九
〇	一	九	
二	〇	二	
四	二	九	
冊	架	函	號

四之五

內閣文庫			
番號	漢	2899	
冊數	12 (3)		
函號	308	145	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



珠船卷之四 中庸考下

湘楚黃

焜西墅父輯

漢書

哀公考

哀公名蔣定公
子也四歲即位

公元年春正月麇鼠

有螿
毒者

食郊牛改卜郊夏四

巳郊冬仲孫何忌

孟懿
子

帥師伐邾

定公之世
撫邾甚厚

事魯諸大夫不欲故公未瞑目而城漆哀公即
忌遂伐邾明年三大夫並出而取其田以邾近

魯利其
土地也

二年春二月季孫斯

季桓
子

叔孫州仇


武
叔

仲孫何忌帥

師伐邾取瀨東田

水
名

及沂西田癸巳與邾子盟於句



釋地

三年夏五月辛卯桓宮僖宮災季孫斯叔孫州仇帥

師城啓陽

魯懼晉故城啓陽

冬十一月州仇何忌帥師圍

邾

四年春城西郭

備晉也

六月辛丑亳社災

亳社殷社也武王克殷頒

其社於諸侯以爲亾國之戒

五年春城毗

備晉也

六年春城邾瑕

瑕邾邑魯城之備晉也

夏叔還會吳于祖

吳伐陳魯

懼兵之我我故往會焉

冬何忌帥師伐邾

七年夏公會吳于郟

舊郟國

吳來徵百牢

索百牢之禮

子服

景伯對曰先王未之有也吳人弗聽乃與之

詳見景伯傳

秋伐邾及范門

郭門

猶聞鍾聲邾不設備師遂入邾處

其公宮衆師晝掠邾衆保於絳

邾山

師宵掠以邾子益

來

益邾隱公也

獻于亳社囚諸負瑕

魯邑

故辱釋

前魯得邾之負瑕故使邾子就辱之

八年春吳爲邾故將伐魯時魯叔孫輒公山不狃

皆在吳吳王問于叔孫輒輒勸之伐問于不狃對

曰魯雖無與立必有與斃

緩時若無能自立則人人知懼皆將歿戰

侯將救之。未可以得志焉。三月吳伐魯，克東陽而入。

舍于五梧，明日舍于蠶室，明日舍于庚宗。每日遷舍見師行速

而遂次于泗上，微虎魯大夫欲宵攻王舍，私屬徒七百。

人三踊于幕庭，卒三百人有若與焉。及稷門之內，季

孫止之。吳子聞之，一夕三遷。畏微虎吳人盟而還。詳見子服

景伯夏齊人取讎及闚，先是齊悼公至魯。在五季

康子以其妹娶之，即位而逆之。季魴侯通焉。魴侯康子叔父

女言其情，弗敢與也。言其私通之情于康子齊侯怒，

命鮑牧帥師伐魯，取讎及闚。齊且遣使如吳請師，將

以代魯，乃歸邾子。秋及齊平。冬十二月，齊人歸讎

及闚。左傳以為歸季姪於齊之故公穀以為因伐邾之故

十年春，邾隱公來奔。吳囚之使奉太子齊甥也，故遂

奔齊。隱公齊女所生公會吳伐齊，師於郕。齊也齊人弒悼公，赴

于師。以說吳五月，公至自伐齊。

十一年春，齊為郕故，國書高無平帥師伐魯，及清。齊地

冉求帥師及齊師戰于郊。地名右師奔，齊人涉泗從之。

孟之反後入以為殿。詳具冉求傳夏公為郊故，會吳子

伐齊，五月克博，壬申至於贏。博贏皆齊地甲戌戰于艾陵。

齊地 大敗齊師獲國書公孫夏等及革車八百乘甲首三千以歸。秋季孫命修守備曰小勝大禍也。齊至無日矣。

十二年春用旧賦。夏五月昭夫人孟子卒公會吳

於橐臯。吳敗齊師于艾陵魯故也魯以為患故會吳于橐臯修郟之好也吳使太宰

嚭請尋盟。尋郟之盟公不欲使子貢對曰盟所以闢信也

弗可改也若猶可改日盟何益乃不尋盟。冬十二月

月蝨季孫問諸仲尼仲尼曰丘聞之火伏而後蝨者

畢。火心星也火伏在冬上川而後蝨盡閉今火猶西流司曆過也。今火

短章亦可
著也

沒如是九月曆
官失一閏也

十三年夏公會晉定公及吳夫差於黃池。昔會晉與吳兩伯之

也。詞 秋公至自會。九月蝨冬十二月蝨前年季孫雖

聞孔子之言而不正曆尚失閏也。九十月蝨司曆之過若以此月為蝨

猶未蝨則以秋為冬差一時也司曆之過一至此乎

况蝨乃火異非候蝨之當以時而蝨者也蝨即蝗也

冬雪乃深入今冬暖而有蝨將蔓延為來歲之災尤災之異也

十四年西狩獲麟。詳見孔子傳小邾射以句繹來奔。射小邾大

夫句繹 地名 六月齊陳恒弑其君簡公孔子請伐之

十七年公會齊侯盟于蒙齊侯簡公弟平公孟武伯

相齊侯稽首公拜齊人怒武伯曰非天子寡君無所

稽首。

二十一年夏越人始來越勝吳欲霸中國始遣使至魯秋八月公及

邾子齊侯盟于顧齊地齊人責稽首責十七年齊侯為公稽首不見答

因歌之曰魯人之臯數年不覺使我高蹈臯緩也高蹈速行也

言魯高緩數年不知答稽首故使我高蹈來此為會惟其儒書以為二國憂二

齊邾也言魯據周禮不肯答稽首今齊邾逆至是行也公先至于陽穀齊地

閻丘息曰君辱舉玉趾以在寡君之軍先至齊地故言在君之

羣臣將傳遽以告寡君齊羣臣將傳君急遽以告寡君比其復也

君無乃勤及其往返之勞為僕人之未次請除館于

舟道齊地辭曰敢勤僕人魯君秋八月叔青叔還之子如越

始使越也越諸鞅來聘報叔青也

二十四年公子荆之母嬖荆公之庶子將以為夫人使宗

人禮官釁夏獻其禮對曰無之公怒曰汝為宗正立夫

人國之大禮也何故無之對曰周公及武公娶于薛

孝惠娶于商孝惠並娶宋女稱商者避定公諱也自桓以下娶于齊桓

始娶文姜此禮也則有若以妾為夫人則固無其禮也公

卒立之而以荆為太子國人始惡之公惡

閏月公如越得太子適郢適郢越太子各與公相得將妻公而多

與之地公孫有山魯大夫使告于季孫季孫懼使因太

宰嚭而納賂焉乃止

二十五年夏六月公至自越季康子孟武伯逆于五

梧魯南鄆

二十七年春越子使后庸來聘且言邾田封于駘上

欲使魯還邾田封境至于駘上二月盟于平陽西平陽季康子叔孫文

子孟武伯皆從康子耻之思及子貢曰若在此吾不

及此夫子貢十二年嘗辭吳盟故思之武伯曰然何不召曰固將召

之文子曰他日不能用臨難顧念之乎夏四月己

亥季康子卒公弔焉降禮禮不備也公患三桓之侈也欲

以諸侯去之三桓亦患公之妄也故君臣多間公遊

于陵阪地名遇孟武伯于孟氏之衢曰請有問于子余

及歿乎問已可得對曰臣無由知之三問卒辭不對

公欲以越伐魯而去三桓秋八月甲戌公如公孫

有陘氏即有三山氏桓攻公公奔衛孫於邾遂如越國人

迎公復歸卒于有山氏子寧立是為悼公

召氏春秋孔子見魯哀公哀公曰有語寡人曰為國家者

為之堂上而已矣寡人以為迂言也孔子曰此非迂言也丘聞之得之于身者得之人失之于身者失之人不出門戶而天下治者其惟知反于己者乎

檀弓魯人有周豐也者哀公執贄請見之而曰不可使

人問焉曰有虞氏未施信于民而民信之夏后氏未施敬于民而民敬之何施而得此于民也對曰壙墓之間未施哀于民而民哀社稷宗廟之中未施敬于民而民敬殷人作誓而民始信周人作會而民始疑

苟無禮義忠信誠懇之心以落之雖固結之民其不解乎

蒲盧考

鄭玄以螺贏為蒲盧沈子曰蒲葦也又瓠之細腰者曰蒲盧又夏小正玄雉入于淮為蜃蜃者蒲盧也似以為變化之義其說不一而沈說近之

以爲愛此之義其請不一而或請或文
曰請益又曰小五支舉人于載爲益益昔請益也
禮文以勸勸爲益益也子曰請益也又禮之辭勸昔
請平去也
昔無艱義忠言媚惑之心以蔽之雖固辭之其不

取人考

立政 周公用咸戒于王曰王左右常伯牧民長常任任事

公 準人掌法綴衣親近虎賁護衛嗚呼休茲知恤鮮

哉設官意美能憂其古之人迪惟有夏乃有室大競

王室大 顛俊尊上帝求賢以尊亦越成湯乃用三有

宅已授常伯常位克即宅不曠曰三有俊有三者克

即俊不虛亦越文王武王克知三有宅心灼見三有

俊心知之深以敬事上帝立民長伯文王罔攸兼于

庶言號庶獄庶慎禁戒惟有司之牧夫是訓用違訓

用命及違命者

禮記。用人之知去其詐。用人之勇去其怒。用人之仁去其貪。

家語哀公問於孔子。請問取人之法。孔子對曰。事任於

官。無取捷捷。無取鉗鉗。無取啍啍。捷敏疾也。鉗妄對不誠也。啍多言也。

捷捷貪也。鉗鉗亂也。啍啍誕也。故弓調而後求勁焉。

馬服而後求良焉。士必慤而後求智能焉。不慤而多

能。譬之豺狼不可適。

君臣考

堯舜禹臯事類別見不贅

易雲從龍。風從虎。聖人作而萬物覩。本乎天者親上。

本乎地者親下。則各從其類也。

易陰雖有美。含之以從王事。弗敢成也。地道也。臣道

也。地道無成而代有終也。

泰之君願為賢者婦。帝乙歸妹蒙之君願為賢者童。童蒙吉

中孚之君願為賢者子。鳴鶴在陰。其子和之。我有好爵。吾與爾縻之。

鹿鳴。君之賓臣也。伐木。君之友臣也。棠棣。君之親臣

也。

禮記子曰為上可望而知也。為下可述而志也。則君不疑於其臣。而臣不惑于其君矣。事君者量而後入。不入而後量。

門內之治恩。揜義。門外之治義。斷恩。資於事父以事君。而敬同。貴貴尊尊。義之大者也。

詩呦呦鹿鳴。食野之苹。我有嘉賓。鼓瑟吹笙。吹笙鼓簧。承筐是將。人之好我。示我周行。周行大道也。燕享之禮以通上下之情。庶平人之好我而示我以大道也。

呦呦鹿鳴。食野之蒿。我有嘉賓。德音孔昭。視民不佻。君子是則是傲。我有旨酒。嘉賓

式燕以敖。言嘉賓德音甚明。足以示民。使不偷薄。而君子當則傲。則亦不待言語之間。而其所

以示我者甚深矣。呦呦鹿鳴。食野之芩。我有嘉賓。鼓瑟鼓琴。鼓瑟鼓琴。和樂且湛。我有旨酒。以燕樂嘉賓之心。

言安樂其心。以致其殷勤之厚。而欲其教示之無已。四牡騤騤。周道倭遲。豈不懷歸。王事靡盬。我心傷悲。

翩翩者騅。載飛載下。集于苞栩。王事靡盬。不遑將父。翩翩者騅。載飛載止。集于苞杞。王事靡盬。不遑

將母。此勞使臣之詩。燕享之際。叙其情而憫之。勞臣勞于事。而不自言君探其情而代之言。上下之間。可謂各盡其道矣。

皇皇者華。于彼原隰。駢駢征夫。每懷靡及。駢駢衆多疾行之貌

臣與其屬也。此遣使臣之詩。君之使臣固欲其宣上德而達下情。而臣之受命亦惟恐其無以副君之意。若有所不及也。我馬維駒。六轡如濡。載馳載驅。周爰咨諏。

廣詢博訪以補其不及也。以上并唐棣伐木五章。君燕臣之樂歌。

天保。人君以鹿鳴以下五詩。燕其臣。臣賦此以答其君。

天保定爾。亦孔之固。俾爾單厚。何福不除。俾爾多益。以莫不庶。單盡也。除除舊而生新也。庶衆也。言天之安定我君使之獲福如此也。天

保定爾。俾爾戩戩。罄無不宜。受天百祿。降爾遐福。維日不足。戩盡也。穀善也。天保定爾。以莫不興。如山如阜。如

河如陵。如川之方至。以莫不增。神之吊矣。詒爾多

福。民之質矣。日用飲食。羣黎百姓。徧爲爾德。神之至矣。猶言

祖考來格也。詒遺質實也。爲爾德者。言則而象之。猶助爾而爲德也。如月之恒。如日

之升。如南山之壽。不騫不崩。如松柏之茂。無不爾或

承。

春秋左傳晉獻公使荀息傅奚齊。公疾。召之曰。以是藐諸

孤。辱在大夫。其若之何。稽首而對曰。臣竭其股肱之

力。知之以忠貞。其濟君之靈也。不濟則以歿繼之。公

曰。何謂忠貞。對曰。公家之利。知無不爲。忠也。送往事

荀息子家宜子數事皆孔聖曲筆特爲拈出以廣見聞春秋后事不及錄也

居耦俱無猜。貞也。及里克將殺奚齊，先告荀息曰：「三怨將作，秦晉輔之，子將何如？」荀息曰：「將死之。」里克曰：「無益也。」荀息曰：「吾與先君言矣，不可以貳。能欲復言而愛身乎？雖無益也，將焉避之？且人之欲善，誰不如我？我欲無貳，而能謂人已乎？」及里克殺奚齊，公子卓荀息死之。公羊傳曰：「荀息可謂不食其言矣。」獻公病將死，謂荀息曰：「何如則可謂之信矣？」對曰：「使效者反生，生者不媿乎？其言則可謂信矣。」

楚人獻龜於鄭靈公，公子宋與子家將見。

公也 家歸生

子公之食指動，以示子家曰：「他日我如此，必嘗異味。」及入宰夫將解黿，相視而笑。公問之，子家以告。及食，大夫黿召子公而弗與也。子公怒，染指於鼎，嘗之而出。公怒，欲殺子公。子公與子家謀先。先公為難子家曰：「畜老猶憚殺之，而况君乎？反譖子家，子家懼而從之。」子家懼而從之子家歸生，弑其君夷，權不足也。子家權不足以禦亂懼譖而從弑君故書以首惡

春秋左傳

晉趙盾弑其君夷臯，晉靈公不君，厚歛以彫牆，從臺上彈人而觀其辟丸也。宰夫眵熊蹯不熟，殺

之寘諸畚使婦人載以過朝趙盾士季見其手問其
 故而患之將諫士季曰諫而不入則莫之繼也會請
 先不入則子繼之三進三進三伏公不省而又前也及溜中而後
 視之曰吾知所過矣將改之稽首而對曰人誰無過
 過而能改善莫大焉又曰袞職有關惟仲山甫補之
 能補過也君能補過袞不廢矣猶不改宣子驟諫公
 患之使鉏麇賊之晨往寢門闢矣盛服將朝尚早坐
 而假寐麇退歎而言曰不忘恭敬民之主也賊民之
 主不忠棄君之命不信有一於此不如死也觸槐而

龜鏡以刑
 者而為仁
 義彌明以
 僕夫而為
 主人一時
 奇氣可想

秘處能詳

秋九月晉侯飲趙盾酒伏甲將攻之其右提彌明
 知之趨登曰臣侍君晏過三爵非禮也遂扶以下公
 嗾夫獒焉明搏而殺之盾曰棄人用犬雖猛何為鬪
 且出提彌明死之初宣子田於首山舍于翳桑見靈
 輒餓問其病曰不食三日矣食之舍其半問之曰宦
 三年矣未知母之存否今適焉請以遺之使盡之而
 為之簞食與肉寘諸橐以與之餽而與為公介倒戟
 以禦公徒而免之問何故對曰翳桑之餓人也問其
 名居不告而退遂自亾也乙丑趙穿攻靈公於桃園

宣子未出山而復大史書曰趙盾弑其君以示於朝
 宣子曰不然對曰子為正卿不越竟反不討賊非
 子而誰宣子曰嗚呼我之懷矣自詒伊戚其我之謂
 矣孔子曰董狐古之良史也書法不隱趙宣子古良
 大夫也為法受惡惜也越竟乃免

能免

惜者惜董狐之疑詞非惜宣子之不

許朱曰盾越境而獄免乎因不越境不討賊而獄定
 歸之乎即胡氏今將之說夫亦曰惡莫慘乎意按之
 罪也可甚置之辟也可如實移而書之曰某弑其君

荆盡千古
 疑義胆識
 俱二十分
 如此方是
 善讀書

某自古及今斷無此獄法况忠恕如聖人乎然則其
 義何如曰趙盾弑君實趙盾之弑其君也意之乎時
 盾專國眾畏而暱之直筆者惟董狐一人餘俱添設
 美詞左氏遂採舊錄而傳之耳凡弑人與弑于人必
 以故書乙丑趙穿攻靈公于桃園兩無其故明乎為
 盾主令而穿下手自古史筆之巧未有若斯之隱且
 著此案語也盾未出山而復史董狐直書曰趙盾弑
 其君蓋猶聽造者因其逃罪而窮極之若曰如是子
 非實弑君而何非謂即不越境不討賊而遂以弑君

當之也。仲尼曰：越境乃免，杜預疑非孔子之言，殆是也。故嘗曰：盾弑其君，夷臯實盾弑其君，夷臯也。許世子止弑其君買，實世子止醜其君買也。千載下惑于傳載，曰盾不越境，止不嘗藥，噫！是罔獄也。曰：鄭子宋首謀弑逆，從之者歸生也。歸生有權，懼譖從之，弑靈公，是靈之弑，實歸生弑之也。豈得以下手者附例末減哉。

父子考

詩魏風

陟彼岵兮，瞻望父兮。父曰嗟，予子行役，夙夜無

已。上慎旃哉，猶來無止。

孝子行役登山以望其親之所，在因想其父念已，庶幾

慎之，猶可來歸，無止于彼而不來也。

陟彼屺兮，瞻望母兮。母曰嗟，予

季行役，夙夜無寤，上慎旃哉，猶來無棄。

季少子也。

小雅 蓼蓼者莪，匪莪伊蒿。哀哀父母，生我劬勞。

言生我而不得

其養也 餅之罄矣，維嚚之耻。鮮民之生，不如死之久矣。

窮獨之民，生不如死。 無父何怙，無母何恃。出則銜恤，入則靡至。

無所歸也 父兮生我，母兮鞠我。拊我畜我，長我育我。顧我

復我。出入腹我。顧旋視也。復反。覆也。腹懷抱也。欲報之德。昊天罔極。

此舉人倫之變一二以資參考但春秋以後者不述

左傳衛公子州吁有寵而好兵。石碻諫曰。臣聞愛子教

之以義方。弗納于邪。驕奢淫佚。所自邪也。四者之來。

寵祿過也。將立州吁。乃定之矣。若猶未也。階之為禍。

且夫賤妨貴。少陵長。遠間親。新聞舊。小加大。淫破義。

所謂六逆也。君義臣行。父慈子孝。兄愛弟敬。所謂六

順也。去順效逆。所以速禍也。君人者。將禍是務去。而

速之母。乃不可乎。

檀弓晉獻公將殺其世子申生。公子重耳謂之曰。子盍

言子之志於公平。世子曰。不可。君安驪姬。是我傷公

之心也。明其譏則姬必誅。是使君失所安而傷其心也。曰。然則盍行乎。世子

曰。不可。君謂我欲弑君也。天下豈有無父之國哉。吾

何行如之。使人辭於狐突曰。申生有罪。不念伯氏之

言也。以至於死。申生不敢愛其死。雖然。君老矣。子少。

國家多難。伯氏不出而圖吾君。伯氏苟出而圖吾君。

申生受賜而死。再拜稽首。乃卒。是以為恭。世子也。敬順

事上曰恭。申生言行如此。可謂恭矣。然而于孝則未之有也。

春秋左傳許悼公瘞。飲太子止之藥。卒。書曰。弑其君。公

孫。未。召。卷之四。六

牟傳曰。譏子道之不盡也。樂正子春之視疾也。復加一飯。則脫然愈。復損一飯。則脫然愈。復加一衣。則脫然愈。復損一衣。則脫然愈。止進藥而藥殺。是以君子加弒焉爾。凡賊未討。不書葬。茲冬葬許悼公。曰止弒。其君買是君子之聽止也。曰葬許悼公。是君子之赦止也。

夫婦考

傳有天地然後有萬物。有萬物然後有男女。有男女然後有夫婦。有夫婦然後有父子。有父子然後有君臣。家人女正位乎內。男正位乎外。男女正。天地之大義也。歸妹歸妹。天地之大義也。天地不交。而萬物不興。歸妹。人之終始也。象曰。君子以永終知敝。合不正則知終之有敝。夫也者。夫也。以知帥人者也。婦也者。服也。

禮記天子聽男教。后聽女順。天子理陽道。后治陰德。天

子聽外治。后聽內職。教順成俗。外內和順。國家理治。此之謂盛德。是故男教不脩。陽事不得。適見於天。

日為之食。婦順不脩。陰事不得。適見於天。日為之食。

日食則天子素服而脩六官之職。蕩天下之陽事。

其穢月食則后素服而脩六官之職。蕩天下之陰事。

風詩鄭女曰雞鳴。士曰昧旦。子興視夜。明星有爛。將翱

將翔。弋鳧與鴈。弋言加之。與子空之。空言飲酒。與

子偕老。琴瑟在御。莫不靜好。夫婦相警戒之詞

風郎綠兮衣兮。綠衣黃裏。心之憂矣。曷維其已。衛莊公惑于嬖

妾夫人莊姜賢而失位。故作此詩。綠衣黃裏。以此賤妾尊顯。而正嫡幽微。緜兮。綌兮。淒其

以風。我思古人。實獲我心。緜綌而遇寒風。猶已之過時。而見棄也。故思古人之

善處此者能先得我心之所求也。

史記外戚世家自古帝王受命。非獨內德茂也。蓋亦有外戚

之助焉。夏之興也。以塗山。而桀之放也。以妹喜。殷之

興也。以有娥。紂之殺也。嬖妲己。周之興也。以姜原。及

太任。而幽王之禽也。淫于褒姒。故易基乾坤。詩始關

雎。書美釐降。春秋譏不親迎。夫婦之際。人道之大倫

也。禮之用。惟婚姻為競。競夫樂調。而四特和。陰陽之

真珠舟 卷之四 七

弟莫遠具爾或肆之筵或授之几

此燕兄弟耆老之詩言葦之生意必

保全之勿傷况兄弟至親而不可不相邇而燕好以聯之乎

駢駢角弓翩其反矣兄弟婚姻無胥遠矣此令兄

弟綽綽有裕不令兄弟交相為瘡也病母教孫升木如

塗塗附君子有徽猷小人與屬

此宗族相怨之詩言君子萬民之所效不

當教之以薄也

春秋鄭伯克段於鄆初鄭武公娶于申曰武姜生

莊公及共叔段莊公寤生生之難也驚姜氏故名寤生遂

惡之愛共叔段欲立之亟請於武公公弗許及莊公

此麟經開卷之一義故錄諸此真事其文可備採摭

即位為之請制公曰制巖邑也號叔歿焉佗邑唯命

請京使居之謂之京城大叔蔡仲曰都城過百雉國

之害也先王之制大都不過參國之一參分其一國中

五之一小邑九之一九分其一今京不度非制也君將

不堪公曰姜氏欲之焉辟害對曰姜氏何厭之有不

如早為之所無使滋蔓蔓難除也蔓草猶不可除况

君之寵弟乎公曰多行不義必自斃子姑待之既而

大叔命西鄙北鄙貳于已兩屬于已至于廩延子封曰可

矣厚將得衆公曰不義不暱厚將崩大叔完聚繕甲

兵其卒乘將襲鄭夫人將啟之公聞其期曰可矣命
 子封帥車二百乘以伐京京叛大叔段段入於鄆公
 伐諸鄆大叔出奔共段不弟故不言弟如二君故曰
 克鄭伯不早為之所而養成其
 惡故曰失教段實出奔而以克為
 文明鄭伯志在於殺難言其奔

朋友考

家語孔子曰與善人居如入芝蘭之室久而不聞其香
 與之俱化矣與不善人居如入鮑魚之肆久而不聞
 其臭與之俱化矣

禮記君子不盡人之歡不竭人之忠以全交也

疏曰虞公求玉於虞叔虞叔既獻之而又求其寶
 劍故虞叔遂伐虞公此盡人之歡也楚共王歸知
 瑩而問何以報我知瑩不應而楚子責以必報不
 穀是竭人之忠也君子之與人交所以貴辭貴讓

又貴有節。貴不迫於人。不干掩人之私也。君子之接如水。小人之接如醴。君子淡以成。小人甘以壞。

說孔子見羅者。其所得皆黃口也。孔子曰黃口盡得。大爵獨不得何也。羅者對曰黃口從大爵者不得。大爵從黃口者可得。孔子顧謂弟子曰君子慎所從。不得其人則有羅網之患。

莊子與賢人處則無過。又曰北面則事之。則伯已者至。先趨而後息。先問而後墨。則什已者至。人趨已趨。則若已者至。

今人便以爲相妬矣

管子對桓公曰鮑叔之爲人。見一惡終身不忘。不可。以爲政。君子曰是所以護叔之短。而保其令名也。仲之知叔。深于叔之知仲也。

考國有六職。百工與君一焉。或坐而論道。或作而行
 之。或審曲面勢。以飭五材。以辨民器。或通四方之珍
 異以資之。或飭力以長地財。或治絲麻以成之。坐而
 論道。謂之王公。作而行之。謂之士大夫。審曲面勢。以
 飭五材。以辨民器。謂之百工。通四方之珍異以資之。
 謂之商旅。飭力以長地財。謂之農夫。治絲麻以成之。
 謂之婦功。凡攻木之工七。輪為蓋輿載物車弓廬戰
 之匠建國營國車總言梓為筍簾為為攻金之工六。築
 柄為溝洫為為

百工考

考工記器
 稍資故坐
 論與工商
 並列
 王公謂天
 守諸侯

考國有六職。百工與君一焉。或坐而論道。或作而行
 之。或審曲面勢。以飭五材。以辨民器。或通四方之珍
 異以資之。或飭力以長地財。或治絲麻以成之。坐而
 論道。謂之王公。作而行之。謂之士大夫。審曲面勢。以
 飭五材。以辨民器。謂之百工。通四方之珍異以資之。
 謂之商旅。飭力以長地財。謂之農夫。治絲麻以成之。
 謂之婦功。凡攻木之工七。輪為蓋輿載物車弓廬戰
 之匠建國營國車總言梓為筍簾為為攻金之工六。築
 柄為溝洫為為

真珠船

卷之四

三

削治為戈梟為音栗桌為音栗段為音栗桃為音栗攻皮之工五函為音栗鮑為音栗

皮鞞為音栗韋為音栗裘攻色之工五畫績模做物休日畫分音栗布采色日績音栗鍾音栗

羽筐音栗幌音栗刮磨之工五玉音栗壁音栗椰音栗雕音栗矢磬搏音栗

壇之工二陶為音栗旒為音栗百工而四寸之令其以

令月季春之月命工師令百工審五庫之量金鐵為音栗

皮革筋為音栗角齒為音栗羽箭幹為音栗脂膠丹漆為音栗

母或不良百工咸理理治造監工日號工師監臨毋

悖于時造作器物不得悖逆時事母或作為淫巧以蕩上心不得

若心使主奢侈知者創物巧者述之守之世謂之

工百工之事皆聖人之作也爍金以為办凝土以為

器作車以行陸作舟以行水此皆聖人之所作也天

有時地有氣材有美工有巧合此四者然後可以為

良橋踰淮而北為枳鸚鵡不踰濟貉踰汶則歿此地

氣然也鄭之刀宋之斤魯之削吳粵之劍遷乎其地

而弗能為良地氣然也燕之角荆之幹胡之筍吳

粵之金錫此材之美者也天有時以生有時以殺草

木有時以生有時以歿石有時以泐水有時以凝有

時以澤此天時也

荀子曰百技所成所以養一人也

[Faint bleed-through text from the reverse side of the page, including characters like '工百工之業' and '惟克商遂']

遠人考

齊旅

惟克商遂通道於九夷八蠻西旅底貢厥燬太

保乃作旅燬用訓于王曰嗚呼明王慎德四夷咸賓

無有遠邇畢獻方物惟服食器用王乃昭德之致于

異姓之邦無替厥服分寶玉於伯叔之國時庸展親

人不易物惟德其物

德之致謂上文所貢方物也昭示方物於異姓之諸侯使之無

廢其職分寶玉于同姓之諸侯使之益厚其親故諸侯亦不敢輕易其物而以德視其物也

德盛

不狎侮狎侮君子罔以盡人心狎侮小人罔以盡其

力不役耳目百度惟貞玩人喪德玩物喪志志以道

寧言以道接不作無益。害有益。功乃成。不貴異物。賤用物。民乃足。犬馬非其土性不畜。珍禽奇獸不育于國。不寶遠物。則遠人格。所寶惟賢。則邇人安。

人不可不學也。其學之於道也。猶水之於魚也。魚無水則死。人無道則亡。故君子必先其心。而後其術。必先其德。而後其才。此其所以為學也。夫道之於人也。猶天之於地也。地無天則乾。人無道則滅。故君子必先其心。而後其術。必先其德。而後其才。此其所以為學也。

諸侯考

史記武王克商。光有天下。兄弟之國者十有五人。姬姓之國者四十人。爵五品而上三等。公侯百里。伯七十里。子男五十里。不滿為附庸。蓋千八百國。春秋之世。

見於經傳者總一百二十四國。

魯晉楚齊秦吳越宋衛鄭陳蔡邾曹許莒

杞滕薛小邾息隨虞北燕紀巴鄧郟徐郟芮胡南燕州梁荀賈凡祭宿邴原夔舒鳩滑郟黃羅邢魏霍郟鄭聯向偃陽韓舒庸焦楊夷申密耿麋萊眩頓沈穀諱舒邴白狄賴也鼓戎蠻唐潞江鄭權道桓貳軫絞蓼六遂崇載翼溫厲項英氏介巢盧恨牟無終郝妣蔚狄房鮮虞陸渾桐都于餘丘頌句顓臾在葛蕭牟鄭極蠻夷戎狄不在其間

朝聘考

禮周春官大行人掌大賓之禮。及大客之儀。以親諸侯。春朝而圖天下之事。秋覲以比邦國之功。夏宗以陳天下之謨。冬遇以協諸侯之慮。時會以發四方之禁。殷同以施天下之政。時聘以結諸侯之好。殷覲以除邦國之慝。間問以諭諸侯之志。歸賑以交諸侯之服。賀慶以贊諸侯之喜。致禴以補諸侯之災。

禮書周官之制。因地以辨服。因服以制朝。因朝以入貢。則遠者不疏。邇者不數。不疏者不致於懈。不數者不

至於罷侯服歲一見。甸服二歲一見。甸采服三歲二見。采服四歲一見。衛服五歲一見。要服六歲一見。要服朝之歲。五服盡朝于京師矣。

王制天子無事與諸侯相見曰朝。考禮正刑一德以尊於天子。

司儀王南鄉見諸侯。土揖庶姓。下時揖異姓。平天

揖同姓。舉手

禮聘天子制諸侯比年小聘。三年大聘。比年每歲也大聘相厲以禮。諸侯相厲以禮。則外不相侵。內不相

陵。此天子之所以養諸侯。兵不用而諸侯自為正之具也。以圭璋聘。重禮也。已聘而還圭璋。此輕財而重禮之義也。諸侯相厲以輕財重禮。則民作讓矣。

(Faint bleed-through text from the reverse side of the page)

官盛考

書周官

立者自成
正時始也

唐虞稽古。建官惟百。內有百揆。四岳。外有州牧。侯伯。夏商官倍。亦克用乂。明王立政。不惟其官。惟其人。○立太師太傅太保。茲惟三公。論道經邦。燮理陰陽。官不必備。唯其人。○少師少傅少保。曰三孤。貳公之貳。弘化寅亮天地。弼予一人。○冢宰掌邦治。統百官。均四海。○司徒掌邦教。敷五典。擾兆民。○宗伯掌邦禮。治神人。和上下。○司徒掌邦政。統六師。平邦國。○司空掌邦禁。詰姦慝。刑暴亂。○司空掌邦土。居四

民時地利。○六卿分職。各率其屬。以倡九牧。阜成兆

民。周禮每卿六十屬。共三百六十屬。

○凡一卿之屬。各率其屬。以倡九牧。阜成兆民。○凡一卿之屬。各率其屬。以倡九牧。阜成兆民。

○凡一卿之屬。各率其屬。以倡九牧。阜成兆民。○凡一卿之屬。各率其屬。以倡九牧。阜成兆民。

○凡一卿之屬。各率其屬。以倡九牧。阜成兆民。○凡一卿之屬。各率其屬。以倡九牧。阜成兆民。

○凡一卿之屬。各率其屬。以倡九牧。阜成兆民。○凡一卿之屬。各率其屬。以倡九牧。阜成兆民。

書風

官盜者

時使者

周禮。小司空之職。均土地。以稽其人民。而周知其數。

均人均力政。以歲上下。豐年則公旬。公上役。用三日。

焉。凶札則無力政。記五十不從力政。六十不與服戎

制。王用民之力。歲不過三日。凡使民任老者之事。食壯

者之食。八十者一子不從政。九十者其家不從政。廢疾者一人不從政。喪三年不從政。

左傳。凡土功。籠見而畢。務戒事也。周十一月。龍星角亢。晨見東方。三務始畢。

戒民土。火見而致用。大火心星。次角亢。見者致築。作之物。水昏正而栽。

定星昏而中。于是日至而畢。日南至。微陽始生。故土功息。

諸侯有卿
訝卿有大

夫訝大夫
有士訝甲

迎尊也

出入送迎之禮節幣帛辭令而賓相之訝訝掌訝訝訝

迎賓掌邦國之等籍以待賓客若將有國賓客至則

戒官脩委積少日委多日積與士逆賓于疆為前驅而入凡

從者出則使人道之及歸送亦如之地官遣人委主

積以待饋遺者掌邦之委積以待施惠鄉里之委積以恤民

之難阨門關之委積以養老孤郊里之委積以待賓

客野鄙之委積以待羈旅縣都之委積以待凶荒凡

賓客會同師役掌其道路之委積凡國野之道十里

有廬小室也廬有飲食十里憇息之所故設飲食三十里有宿三十里為

一舍可宿有路室大室也路室有委五十里有市五十里則

四方之易皆可日中而至市有候館候賓之館候館有積凡委積之事

巡而比之以時頒之有夏官懷方氏掌來遠方之民

致方貢致遠物而送逆之達之以節治其委積館舍

飲食

成天下之亶亶者莫大乎著龜。天地設位，聖人成能。人謀鬼謀，百姓與能。

禮記卜筮者，先聖王之所以使民信時日，敬鬼神，畏法令也。所以使民決嫌疑，定猶豫也。

卜筮不相襲。

易蒙卦初筮告，必應。再三瀆，瀆則不告。

龜考

周官凡國之大事，先筮而後卜。凡卜事，眚高。以龜高處，示臨卜也。

揚火以作龜，致其墨。熟灼之，明其兆，墨大，圻明則吉。洪範七稽疑。

乃命卜筮曰：雨，潤曰霽，宣曰蒙，恍曰驛，錯曰克，入若。

相勝也，五者，兆之體。曰貞，曰悔。占用，二也。衍，忒，推衍，過失。

周禮春官大卜掌三兆之法。兆，灼龜而占之象也。一曰玉兆，豐饒如玉。

屬陽二曰瓦兆，暴裂如瓦，屬陰。三曰原兆，拆裂如原田，陰陽雜也。以邦事。

作龜之八命：一曰征，行討，征役。二曰象，天象變動。三曰與，與人共事。

四曰謀，圖事，于人。五曰果，事成，與否。六曰至，人至，與否。七曰雨，禱雨。八

曰瘳。瘳疾占人掌占龜以八筮占八頌。頌占兆之繇辭也以

八卦占筮之八故。八故八事之故也以眊凶吉。凡卜筮君占

體。體兆之象也。體有吉凶。大夫占色。色兆之氣也。色有善惡。史占墨。墨兆之廣

也。墨有卜人占坼。坼兆之疊也。坼有微明。凡卜筮既事則繫帛

以此其命。既占則書命卜之辭與禮神之幣而繫之于龜比協也並也。歲終則計

其占之中否。子路問孔子曰猪肩羊膊可以得兆。

藿葦蒙菘可以得數。何必以著龜。孔子曰不然蓋取

其名也。夫著之為言耆也。龜之為言舊也。明狐疑之

事當問耆舊也。又曰筮短龜長言筮不如卜也。

天考

河圖括地象云易有太極是生兩儀兩儀未分其氣

混沌清濁既分伏者為天偃者為地釋名云天坦也

坦然高而遠也物理論云水土之氣升為天九天之

際曰九垓。垓也。垓階也言階次有九。凡天去

地二億一萬六千七百八十一里半度地之厚與天

高等天南北相去二億三萬三千五十七里二十五

步東西短減四步纂要云東西南北曰四方四方之

隅曰四圍天地四方曰六合天地曰二儀以人參之

曰三才、四方上下謂之宇、往古來今謂之宙、或謂天地為宇宙、凡天地元氣之所生、天謂之乾、地謂之坤、天圓而色玄、地方而色黃、日月謂之兩曜、五星謂之五緯、五星者東方歲、南方熒惑、西方太白、北方辰、中央鎮、日月星謂之三辰、亦曰三光、日月五星謂之七曜、天河謂之天漢、亦曰天津、銀河、五經通義云、天神之火者、曰昊天上帝、即曜魄寶也、亦曰天皇大帝、帝亦曰太乙、其佐曰五帝、

地考

抱朴子云、太極初構、清濁始分、故天先成而地後定、白虎通云、地者元氣所生、萬物之祖也、淮南子云、天有九部、八紀、地有九州、八柱、河圖括地象曰崑崙山為柱、氣上通天、崑崙者地之中也、地下有八柱、柱廣十萬里、有三千六百軸、互相牽制、名山大川、孔穴相通、九州之外有八挺、八挺之外有八紘、八紘之外有八極、八極之廣東西二億三萬三千里、南北二億三萬一千五百里、夏禹所治四海內地、東西三萬八千里、南北二萬六千里、地東西為緯、南北為經、周禮又云、東西為廣、南北為輪、上中

山海經帝
令暨亥步
自東極至
西極五億
十萬九千
八百八步
淮南子禹
使大章步
自東極至
于西極二
億三千五
百里七十
五步

下謂之三壤山林川澤丘陵墳衍原隰為五土周禮
大司空辨五地之物一曰山林其動物宜毛物其植
物宜阜物二曰川澤其動物宜鱗物其植物宜膏物
三曰丘陵其動物宜羽物其植物宜麋物四曰墳衍
其動物宜介物其植物宜莢物五曰原隰其動物宜
羸物其植物宜藁物物理論云地者其卦曰坤其德
曰母其神曰祗亦曰媪大而名之曰黃地祗小而名
之曰神州亦名后土

日考

日者實也太陽之精人君之象

廣雅日光曰景日景曰晷日氣曰暉日初出曰旭日晞

日晞日溫曰煦日在午曰停午在未曰映日晚曰盱

日西落光反照於東方曰對景景在上曰反景在下

曰倒影又日名朱明一名耀靈一名東君一名陽鳥

日御曰羲和

周禮眡稷掌十輝之法以觀妖祥辨吉凶輝者日旁之氣也稷謂邪

氣浸淫犯陽精也

真珠船
卷之四
三

曰曰景反曰谷米則一谷熟靈一谷東昏一谷則息
日西昏次文熱然東次曰據景景亦土曰又景亦不
曰湖甘盤曰熱日午曰乾午亦米曰其日熱曰其
日次曰景日景曰昏日隸曰其日其出曰其日其
日皆實也太樹之辭人皆之象

日考

月考

月者太陰之精月闕也滿則復闕也

漢書月立夏夏至行南方赤道曰南陸立秋秋分行西

方北道曰西陸立冬冬至行北方黑道曰北陸分則

同道至則相過晦而見西方則謂之眺疾行朔而見東

方則謂之朏也遲亦謂之側匿也朏月未成明也魄月

始生魄然也朔月歿復蘇生也晦月光似歿灰也弦

其形一旁出一旁直若弓弦也望月日遙相望也月

一名夜光月御曰望舒月者陰之精日光照之則

真珠船
卷之四
三

見其明、日光所不照、則謂之魄、故日月相望、人居其
間、盡觀其明、故形圓也、二弦之日、日照其側、人觀其
旁、故半明半魄也、晦朔之日、日照其表、人在其裏、故
不見也、

星辰考

春秋說題辭 星之為言精也、陽之榮也、陽精為日、日分為
星、故日生為星、體生於地、精成於天、在野象物、在朝
象官、在人象事、

天文編 五行散之在陰、以配日者、謂之辰、別之居方、以

會日月者、亦謂之辰、

左傳 晉侯問於士文伯曰、何謂辰、對曰、日月之會是謂
辰、乃月行一周、而與日聚會也、

魏大中曰、日陽之精也、天之神所棲、天左旋、日右



行而與之會。若父子而行陽度則漸以贏。行陰度則漸以縮。又其道為賓主。月陰之精也。日之光所借。日出東。月生西。而與之配。若夫婦而去。日則明。生而舒。近日則魄生而疾。又其義為君臣。星為日之餘。陽象也。不以晝現而以夜現。陽中陰也。乃三垣之外。播為經緯。又燦焉莫可數矣。辰為天之壤陰象也。又不從天數而從地數。陰中陰也。若其日月之會。纏為次舍。又何遠而無所極也。

華嶽考

華山五嶽之西嶽也。為豫州鎮。在華州華陰縣。

華嶽賦云 倬彼靈岳。桀出秦畿。萬物生華。稟少陰之精粹。

五星分緯。融太白之光華。帝則少皞居卯位。則蓐收在祀。徒觀其交錯亂紛之勢。盤礴峻秀之形。岳寧巖蟻。停停熒熒。紛刻峭其若削。洞哈呀以杳冥。樹色凝黛。天光結青。中融寒暑。不聞雷聲。南澗載物。而北澗停雪。西峰見日。而東峰見星。

河海考

說文 河者下也。隨地下流而通也。河與江淮濟三水為四瀆。河曰河宗。四瀆之所宗也。海晦也。主引穢濁。其水黑而晦。

博物志云 天地四方皆海水相通。地在其中。蓋無幾也。名曰百谷王神曰海若。

曰百谷王神曰海若

山考

釋名 山產也。言產生萬物。山頂曰冢。亦曰巔。亦曰椒。山脊曰崗。山大而高曰嵩。小而高曰岑。銳而高曰嶠。卑而高曰扈。小而眾曰巋。上大下小曰巘。山無草木曰岵。有草木曰屺。石載土曰苴。土載石曰崔嵬。山東曰朝陽。山西曰夕陽。山足曰麓。山穴曰岫。山邊曰崖。崖之高曰巖。上秀者曰峯。陬濁高者曰岳。山坡曰坂。山麓曰陟。山再成曰坏。山中絕曰陁。未及上曰翠微。

山氣青縹。色曰翠微。山嶠曰嶧。山狹而高曰巒。巒山曰墮。土山

真朱岩

卷之四

三六

曰阜。曲阜曰阿。大阜曰陵。小陵曰丘。山精曰夔。亦曰
跂。亦曰雲陽。山曰夔。山中曰夔。山曰夔。山曰夔。山曰夔。

山為積德。川為積刑。丘陵為牡。川谷為牝。曰夔。山

山曰夔。山曰夔。山曰夔。山曰夔。山曰夔。山曰夔。山曰夔。山曰夔。

山曰夔。山曰夔。山曰夔。山曰夔。山曰夔。山曰夔。山曰夔。山曰夔。

山曰夔。山曰夔。山曰夔。山曰夔。山曰夔。山曰夔。山曰夔。山曰夔。

山曰夔。山曰夔。山曰夔。山曰夔。山曰夔。山曰夔。山曰夔。山曰夔。

山曰夔。山曰夔。山曰夔。山曰夔。山曰夔。山曰夔。山曰夔。山曰夔。

山曰夔。山曰夔。山曰夔。山曰夔。山曰夔。山曰夔。山曰夔。山曰夔。

水考

水之為物。擊之無創。射之不傷。斬之不斷。焚之
不燃。利穿金石。功濟天下。

說。孔子曰。夫水者。君子比德焉。遍予而無私。似德。所

及者。生似仁。卑下句倨。皆循其理。似義。淺者流行。深

者不測。似智。赴百仞之谷。不疑似勇。受惡不讓。似包

荒。不清以入。鮮潔以出。似善化。至量必平。盈不求概

概。平似度。萬折必東。似意。是以君子見大水必觀也。

管子。夫水淖弱以清。而好灑人之惡。仁也。視之黑而白。

精也。人皆赴高。已獨赴下。卑也。卑也者。道之室。王者之器也。而水以為都居。水者五行之首也。萬物之宗也。浮天而載地也。始天地而終天地也。七十二候。始於東風解凍。終於水澤腹堅。天地之始終亦若是而已矣。

龜考

拾遺

禹濟巨海。龜鼈為梁。

埤雅

龜大鼈也。濶一丈。鼈以為雄。龜鳴而鼈應。所謂

雄鳴於上。風雌鳴於下。風而風化。即此類也。

廣雅

海龜大一畝。重千鈞。淮南子曰。燒龜致鼈。此以

其類求之。舊說龜亦思化。其脂得火。可以然鐵。亦曰

龜亦卯生。而影伏。

古今注

龜一名河伯使者。

博物志

屠龜解其肌肉。唯腹連於頭。而經日不滅。猶能

齧物鳥往食之則為所得漁者或以張鳥雀

錄異 鼈其狀如鼈腹下赤者為鼈白者為鼈俗云鼈

之身有十二屬肉漁人捕得之雖支分臠解隨其巨細未投湯鑊者皆能跳走鼈與龜雖至大者如蚊蚋嗜之一夕乃死

搜神 千歲龜鼈能與人語

顏縉 稽 龜鼈伏乎其陰鷓鴣應乎其口任其曳舟而走俟力盡乃得之

走俟力盡乃得之

鼈考

草木 鼈形似蜥蜴四足長丈餘小者六七尺首尾皆

有鱗甲皮堅厚宏冒鼓 夏小正月剝鼈以為鼓也

雅埋 狔將風則湧鼈欲雨則鳴故里俗以狔識風以鼈

識雨晉安海物記曰鼈宵鳴如桴鼓今江淮之間謂

鼈鳴為鼈鼓亦或謂鼈更則以其聲逢逢然如鼓而

又善夜鳴其數應更故也

續博物志 鼈一名土龍鱗甲黑色能橫飛不能上騰抱跚

然之體隨月以運

本草 鼈口內涎有毒長一丈者能吐氣成霧變化為邪魅

物類相 感志 狀若龍五色形長丈餘介冑備焉其類長者

能吐霧致雨聲甚可畏入穴中掘之如百人掘之須

百人取之一人掘即一人牽取不然終不可出梁周

興嗣嘗食其肉後為鼈噴成惡瘡此物靈不可食或

能為妖患

說原 鼈狀如守宮而大長一二丈背尾皆有鱗甲能

吐霧致雨善攻補岸性嗜睡目常閉力亦酋健

蛟考

說文 蛟龍屬也無角曰蛟池魚滿三千六百蛟來為之

長能率魚而飛置笥水中即蛟去

淮南子 蛟龍伏潛於川而剖卵於陵其雄鳴上風其雌

鳴下風而化者形精之至也人不見龍之飛舉而能

高者風雨奉之也

埤雅 蛟狀似蛇而四足細頸頭有白嬰大者數圍卵生

着交故謂之蛟又蛟能首尾束物故謂之蛟

類書 蛇與雉交而生子曰虺即蛟也或曰蜃也

真珠舟
卷之四
四

管子 蛟龍水中之神者也、乘水則神立、失水則神廢、

禮月 季夏之月、命漁師伐蛟、

禮 伐蛟取鼉、登龜取鼈、鄭氏謂蛟言伐者、以其有兵

衛也、龜言登、尊之、鼈言取、賤之、卵生子、生一二斛、

麓能吞人、

述異 虺五百年化為蛟、蛟千年化為龍、龍五百年而

為角龍、又五百年為應龍、奔蛇目圓、蛟眉連生、

龍考

論 鱗蟲三百六十、而龍為之長、能幽能明、能細能巨、

能短能長、春分而登天、秋分而入淵、

春秋元 龍之為言萌也、陰中之陽、故言龍舉而雲興、

命苞 龍八十一鱗、具九九之數、九陽也、鯉三十六鱗、具

六六之數、六陰也、龍亦卵生、思抱、雄鳴上風、雌鳴下

風而風化、

廣 有鱗曰蛟龍、有翼曰應龍、有角曰虬龍、無角曰螭

龍、未升天曰蟠龍、

真珠舟 卷之四 四

河黃金千歲生黃龍青金千歲生青龍赤白之金各生龍

管子龍被五色而逝故神欲小則如蠶燭欲大則極天

地欲上則凌雲欲沉則伏潛

陰陽變化論驪龍之眸見百里纖芥又曰龍能變水人能

變火又曰龍不見石人不見風魚不見水

南部新書龍之性龕猛而畏蠟愛竹及空青而嗜燒燕肉

或曰其性畏鐵

楊子問神篇時飛則飛時潛則潛飛則升于天潛則蟠於

泥蚘其肆矣蚘哉蚘哉類蠶烏覩龍之志也歟

左傳蔡墨對魏獻子云昔有颺叔安颺古國名叔安君名有裔子

曰董父實甚好龍能求其嗜欲以飲食之龍多歸之

乃擾畜龍擾順也能順所欲而畜養之以服事帝舜舜賜之姓曰

董氏曰豢龍其後有劉累堯之子孫學擾龍於豢龍氏以

事孔甲能飲食之夏后嘉之賜曰御龍

魚

魚鱗物之總名也。大者如鯨鯢，鼓浪成雷，噴沫成雨。他如鯨鱗、鯉、鱒、魴、鱸、鮪。詩書所載，不可盡述。又云月者陰之宗，月虧則魚腦減，月盈則魚腦盈。

鼈考

雅 坤 天地之性，細腰純雄，大腰純雌。大腰龜，鼈之屬。又云鼈以眼聽，穹脊連脇，甲蟲也。水居陸生。又云鼈伏於淵，而剖卵於陵，此思化也。又云鼈隨日，日光所轉，朝首東向，夕首西向也。

內典 鶴影生，鼈思生。

世本 鼈之所在，其上必有浮沫，謂之鼈津。捕者以此

占之。

古今 鼈一名河伯從事。養魚經云：魚滿三百六十則

注

卷之四

四

龍為之長而引飛出、水內有鼈則魚不復去故鼈一名神守、

爾雅 龜三足賁、鼈三足能、

陸機鼈賦其狀也窮春連脅、玄甲四周、遁方圓於規、矩、徒廣狹以妨循、盈尺而脚寸、又取具於指掌、鼻管氣而忌脂、耳無聽而受響、是以棲居多逼、出處寡便、尾不副首、足不運身、於是從容澤畔、肆志汪洋、朝戲蘭渚、夕息中唐、越高波以燕逸、窺洪流以潛藏、咀蕙蘭之芳、

易 龜鳴岐野、鼈應於泉、淮南子云青泥殺龜得黃

復生、之命於穆不已於乎不顯、文王之德之純、

博物志云 九竅者胎化、八竅者卵生、龜鼈鼈皆胎生而影

伏、其收之驗、惠我文王、

養生雜纂 六甲日弗食鼈、鼈有四目者、獨日者、白日者、赤足者、三足者、腹下有字、王字、天字者、頷下有軟骨如龜形者、頭足不能縮者、日凹陷者、皆不可食、又云鼈不可與雞子與雞肉、莧菜同食、食之殺人、

之配命也、豈曰証哉、

既明且哲以保其身

大雅宣王命仲山甫築城于齊尹吉甫作詩送之

天生蒸民有物有則民之秉彝好是懿德

天生民之善如此况

於賢人之生平天監有周昭假於下保茲天子生仲山甫

蓋

天監視有周見其能以昭民之德感格於下故保茲天子而為之生此賢佐曰仲山甫者以為之輔

仲山甫之德柔嘉維則令儀令色小心翼翼

外焉則淑慎輯

柔而儀色之皆善內焉則戰兢惕勵而小心之翼翼古訓是式威儀是力

于古訓進脩致力于威儀天子是若明命使賦

嚴有以宣布于天下王命仲山甫式是百辟

續戎祖考王躬是保

王之喚舌

且王之明命賴以出納實為王之喚舌非入則典司政本乎

賦政於外

四方爰發

王之德政賴以敷布而四方不應非出則經營四方乎

肅肅王命

仲山甫將之

尊嚴之王命則奉行惟謹邦國若否仲山甫明之

政事

之誠否則既明且哲以保其身

且既明而精于理又

行以保其身夙夜匪懈以事一人

夙而無怠朝夜而無怠夕虔恭匪懈以事天子

○人亦有言柔則茹之剛則吐之

柔者易制人則吞噬而茹之剛者難

禦人則畏避而吐之維仲山甫柔亦不茹

柔者則恤剛亦不吐

剛者則制之以義不侮矜寡不畏疆禦

矜寡而未嘗虐之疆禦未嘗避之

人亦有言德輶如毛

德為人所不能行其輕如毛而易舉民鮮克舉

之我儀圖之惟仲山甫舉之儀度而圖謀之惟仲山甫全盡而無遺也愛

莫助之德在于彼無所容其助也衮職有關惟仲山甫補之盡力以彌

縫其失仲山甫出祖當出行之時舉道之祭四牡葉葉征夫捷

捷每懷靡及懼才力之弗勝四牡彭彭八鸞鏘鏘王命仲山

甫城彼東方○四牡騤騤八鸞喈喈仲山甫徂齊式

迨其歸山甫乘此以徂齊殆必指顧集事而式迨其歸以副天子眷注之心吉甫作誦

作烝民穆如清風可以感人之心有如清微之風仲山甫永懷以慰

其心靡及之懷庶乎有以慰其心矣

疏曰明哲保身豈盡臣致身之道乎曰此乃所以

保王躬也吾愛吾礪而金淬吾愛吾霖雨而田歲

吾愛吾麴蘖而酒醴醺保身正賢大臣事爾

建旌旗游旒以別尊卑等級

一器而工聚焉者車為多

死察車之道欲其快而微至

不橫屬無以為完又也不微至無以適

與人為車固者中規方者中節在者中

也

也。以象地也。軫在下以承上蓋之圓也。以象天也。蓋

上以覆下蓋輪輻三十。以象日月也。一輪有三十輻

之圓象之地蓋弓二十有八。以象星也。一蓋有二十八弓以

十日龍旂九旂。以象大火也。蛟龍為旂其旂有九諸侯建

其屬鳥旗七旂。以象鶉火也。鳥隼為旗其旂有七州

有九南方之星。龍旂六旂。以象伐也。熊虎為旂其旂有六

其屬有七宿西方之星。龜蛇四旂。以象營室也。龜蛇為旂其旂

營室玄武之宿西方之星。其屬有四。弧旌枉矢。以象弧也。凡旌旗皆有

畫在矢于上以象弧輪人為輪。斬三材。必以其時。三

星之有矢飛行也。

材既具。巧者和之。轂也者。以為利轉也。輻也者。以為

直指也。牙也者。以為固抱也。是故規之以眡其圓也。


萬矩之以眡其匡也。縣之以眡其輻之直也。水之以

眡其平沈之均也。量其數以黍。以眡其同也。權之以

眡其輕重之侔也。故可規可萬。可水可縣。可量可權

也。謂之國工。

也。謂之國工。



受左右相注也六曰諧聲。謂形聲一也如江河之類皆以水為形以工可為聲也使天

下義理必歸文字。天下文字必歸六書。周禮地官

保氏教國子以六書。春官外史掌書外令。外令謂下命頒

于外掌四方之志。掌三皇五帝之書。三墳五典掌達書名

於四方。書名字也達於四方使書同文也若以書使於四方則書其

令。外史書其詔令以授之也秋官大行人七歲屬象胥。象謂通四夷之言者

胥有才稱諭言語。協辭令。通四方之言語協九等之辭令九歲屬瞽史

樂官諭書名。聽聲音。同六書之名察五音之和上古結繩而治。後世聖人易之以書契。百官以治。

萬民以察。蓋取諸夬。明決之意

蘇子曰。古者始有書契。以科斗為文。而其後始有

規矩摹畫之迹。近代日以變革。貴於速成。而從其

易。又創為紙。以易簡策。是以天下簿書符檄多委

壓。而吏不能究。姦人有以措其手足。如使今世而

尚用古之篆書簡策。則雖欲繁多。其勢無由。由此

觀之。則凡所以便利天下者。是開詐偽之端也。

深心世變之言

[Faint bleed-through text from the reverse side of the page]

杞考

今河南杞縣

杞妣姓伯爵，武王克商，求夏禹苗裔，得東樓公，封杞以奉禹祀。後三十二年，而國滅於楚。

宋考

今河南歸德府

宋子姓公爵，武王誅三監，中分其地，封微子為宋公，以奉湯祀，禮樂車服悉如商舊。作賓王家，二百七年而齊魏楚共滅其國。

在彼無惡

周頌二王之後
來助祭之詩

振鷺於飛於彼西雝

振然羣飛之鷺
于彼西雝之水

我客戾止亦有

斯容

我客之來助祭純潔
之德亦有斯容焉

在彼無惡在此無斃

其觀

在彼國也存以待在彼之人心
在此國也存以待在此之人心

庶幾夙夜以永終譽

庶幾自夙而終以永終此譽而
垂令名于無窮豈特今日然哉

衣錦尚綱

衛風莊姜美而無子衛人為之賦首章
極稱族類之貴二言其容貌之美三言

自齊來衛末
言禮儀之甚

碩人其頤衣錦褰衣

碩人其頤然而長偉然小君之
範且衣錦于內而加褰衣于外

以此容服為君夫
人室見親于君矣

齊侯之子衛侯之妻東宮之妹邢

侯之姨譚公維私

姊妹之
夫亦貴

手如柔荑膚如凝脂

則手

柔而白焉膚
則白而潤焉

領如蝤蛸齒如瓠犀

領則白而且長
齒則方潔而齊

首蛾眉

額廣而方正
眉細而長曲

巧笑倩兮美目盼兮○碩人敖

敖說于農郊

自齊來嫁說止
于農郊之地

四牡有騶朱幘鑣鑣翟

芾以朝

其馬驕然強壯朱幘之飾則鑣鑣然其甚盛
其羽則翟雉之羽以為飾竹箚之芾以為蔽

乘是車馬之盛，大夫夙退，無使君勞。斯時也，國人樂得以為吾君之

配，故謂諸大夫之朝于君者，各宜夙退，無使君勞于政事，不得與夫人相親也。昔時接禮之厚，有如此。

○河水洋洋，北流活活。抑以來嫁之時，禮儀未備，耶然方其始之往迎于齊也，但

見河水之在齊者，洋洋然，其流以入于海也。施罝濊濊，鱸鮪發發。施罝，所以取魚也。其入水也，則濊濊而有聲。鱸鮪則發發而衆多。

葭蔕揭揭。葭蔕，之生于河上者，亦莫不揭而長。庶姜孽孽，庶士有暵。齊地廣饒，如此是以夫人之來也，有從嫁之庶姜，則皆孽孽然而盛飾有從行之庶士，則有暵然而武勇是士女姣好，禮儀盛備如此。願乃見親于始而不見親于終，亦獨何歟。

潛雖伏矣，亦孔之昭。小雅大夫憂亂之詩。

正月繁霜，我心憂傷。正月乃長養之月，繁霜則霜降失節，既使我心憂傷矣。

之訛言亦孔之將。而民造為奸偽之心，以惑衆聽者，又方甚大。念我獨兮，

憂心京京。當時上下恬然，不以為憂，我一人獨憂之大焉。哀我小心，

瘁。哀哉！我之小心，殆有隱憂而至于病也。○父母生我，

胡俾我瘁。適丁我之時焉，生我父母，

遭此禍亂乎。不自我先，不自我後。適丁我之時焉，何不幸之甚哉！好

言自口，莠言自口。訛言之人或好言以相誘，固但出于口，或莠言以相讒，亦但出于口。

其變詐，憂心愈愈，是以有侮。故我憂心益甚焉，而彼如此，訛言之人反不免于侵侮。

○憂心惓惓，念我無祿，民之無辜，并其臣僕。念我

而遭國之將亾與此無罪之民哀我人斯于何從祿

將俱被讎虜而同為他人臣僕然忠臣義士猶或可以自免而

瞻烏爰止于誰之屋罔為臣僕但可哀者一世之人

未知復從何人而受祿譬如視鳥○瞻彼中林侯薪

之飛不知其將止于誰之屋也○瞻彼中林侯薪

侯蒸民今方殆視天夢夢民今方危殆疾痛而視天

善惡既克有定靡人弗勝然此特未定之天及既有

者必降之禍未有人有皇上帝伊誰云憎然上帝豈于

不為天所勝者也○謂山蓋卑為岡為陵然善惡

而禍之耶蓋福善禍淫天特乘此玆耳○謂山蓋卑為岡為陵雖未定

于天而止訛尚有賴于人也但今訛與乃曰山之卑矣而其實則岡陵之民之訛言

寧莫之懲王乃安然信之召彼故老訊之上召彼

之明臧否者訊之古夢之明其曰予聖誰知鳥之雌

吉凶者庶幾有以決其是非昔曰予聖人矣而于訛言之惑眾竟莫能辨之者

惟在上既無止訛之君在下又無止訛之臣則訛言之孔將亦

何怪乎○謂天蓋高不敢不局謂地蓋厚不敢不

踏維號斯言有倫有眷其所號而為此言者誠以訛

無所其踟躕者豈不皆言惑世禍起不測實置身之

有倫有眷之可考乎哀今之人胡為虺蜴○瞻彼

阪田有苑其特天之抗我如不我克天無不覆顧乃

其不我彼求我則如不我得夫王始而求我以為執我仇仇亦不我力及既得之則又如仇○心之憂矣

真珠舟

卷之四

五

之國政胡為若燎之方揚寧或滅之彼燎之方盛之時則寧有能撲

是其暴厲也而滅之赫赫宗周褒姒滅之此赫赫然之宗周乃一褒姒足以滅之不亦重

可傷者乎○終其永懷又窘陰雨為今之計當急于求賢臣以自助也彼駕車者

經歷險道而不知止君子永其車既載乃棄爾輔其車既載乃棄爾輔柰

益輻之圖所以扶顛持危者無其具矣載輸爾載將伯助予及其載之既輸而後號伯以

于爾輻然求助于已危孰若預防于未然彼駕車顧爾僕而又數數顧視其御終踰絕險曾

是不意必不墜爾所載而終魚在初不以為意者雖有

於沼亦匪克樂潛雖伏矣亦孔之炤然則禍亂將安

沼之間生意已蹙誠非所樂矣故其潛伏逃哉魚在于池

雖深亦昭然易見無所逃于罟網之患也憂心慘慘

念國之為虐深傷國政之虐而階天既彼有旨酒又

有嘉穀洽比其鄰婚姻孔云得志有念我獨兮憂心

慙慙此此然卑小之人有屋以安居矣蔽蔽然而窶陋者今以見用于王皆

是椽當今之民獨在窮困之中笱矣富人哀此惇獨

然富者猶庶乎其可也惇獨是椽是天降天禍椽喪之耳

則不堪命不亦可哀之甚哉

具神

具天制天酬神之功 啓矣信入凉地野

今以具用平王昔亦錄以爲養矣

只今多無賴天天

懇懇

此此此亦星蕪蕪亦亦

肯嘉婚合此其醴敬賦此云

賦此云 念其辭令憂心

念國之爲事

丁文讀以至此詩也

此言言酒又

雖采亦即然具具無祗幾于母膳之患也

於以亦里京樂管輜於矣亦下之

於結魚亦于此

奏假無言

商頌祀辰湯之詩

嗟嗟烈祖有秩斯祐申錫無疆

先王有尊富無窮之祐可以申錫于無疆

及爾斯所

是以及于爾今猶得以祀事奉烈祖之祭也

○既載清酏賚我

思成

廟貌啓而祀禮行裸獻方行而誠以達神以格既賚我以思成矣

亦有和羹既

戒既平醴假無言時靡有爭

及夫祭祀既行而亦有和羹既戒而備之預既

平而味之調其進是和羹以格乎祖也主祭者言一爲之不行助祭者爭競爲之俱泯則肅敬之至無人

之敢 綏我肴壽黃耆無疆

○約軼錯衡八鸞鶴鶴以假以享我受命溥將

天子

有事于宗廟羣后率以助祭駕約軼錯衡之車乘八鸞鏘鏘之馬盡誠以假之盡物以享之是我之受命

自天降康、豐年穰穰、天又降之以豐年之度來
 假來饗、降福無疆、顧子烝嘗、湯孫之將、然奉祭顧
 理子實不敢必也、惟我烈祖其顧子烝嘗哉、蓋
 此乃湯孫之所奉一氣感通庶幾其顧我矣

予懷民德

大雅皇矣 上帝章

皇矣上帝

四節 見前

帝謂文王、無然畔援

以道 制欲

無然歆

羨

以理 御情

誕先登於岸

先知先覺登于 斯道之岸焉

密人不恭、敢距

大邦、侵阮徂共

擅行師旅以侵阮 而往至于共之地

王赫斯怒、爰整其

旅、以按徂旅

文王于是赫然震怒爰整其 旅以遏密旅之往徂共者

以篤周祜

是舉也有以篤 厚周家之福

以對于天下

有以答天 下之心

依其在景

侵白阮疆

文王安然在周之京而遏密 之兵遂從阮疆而出以侵密

陟我高岡

所

之岡即 爲我岡

無矢我陵、我陵我阿

而人母敢陳兵于 岡上之陵以拒我

無飲

我泉、我泉我池

無敢飲水于岡 下之泉以拒我

度其鮮原、居岐之陽

在渭之將

于是歸附日衆文王相其鮮善之原以萬徙都而居岐山之南在渭水之側焉

邦之方下民之王

凡萬邦諸侯皆有趨向之心四方下民皆有歸附之志何莫非天命

之所

帝謂文王予懷民德

帝謂文王爾德光明予實懷之

不大聲

以色

實德中涵號令之不事喜怒之不形

不長夏以革

不勝侈大不識不事紛更

不知順帝之則

不自用其知識惟順帝則以周旋而已

帝謂文王詢爾

侂方

夫文王爲天所眷如此帝于是又謂之曰崇侯偕亂汝之仇國也爾當往詢其罪

同爾

兄弟以爾鉤援與爾臨衝以伐崇墉

同爾兄弟和好之衆以爾鉤援

之梯與爾臨衝之車以伐崇墉

臨衝閑閑崇墉言

言

以伐崇之事言之但見其始也以崇墉之臨衝與言之崇墉

執訊連連攸馘安

安是類是馮

執訊者遵其度連連而不爭先攸馘者守其常而不輕暴是類焉而告其罪于

天是馮焉而昭其罪于神

是致是附四方以無侮

緩攻徐戰若此者正欲致其自

至使之來附而保全之也而四方仰其仁者孰敢以爲怯而侮之

臨衝芴芴崇墉仡

仡

及其終不下則以臨衝之芴芴而強盛攻崇墉之仡仡而強壯

是伐是肆是絕是

忽四方以無拂

聲其罪以伐之縱其兵以肆之是絕而覆其宗是忽而滅其國而四方服

其義者孰敢越厥心而拂之是文王奉天命以伐崇如此

曰然然則夫子有爲

其差者葬殮殮而葬也

四衣以無綈

而葬其宗是也而越其國而四衣也

其葬者葬殮殮而葬也

其葬者葬殮殮而葬也

其葬者葬殮殮而葬也

其葬者葬殮殮而葬也

其葬者葬殮殮而葬也

其葬者葬殮殮而葬也

安且賤且

守其常而不轉暴是賤也而告其罪于

真珠船卷之五

湘楚黃焜西墅父蟬

有子考

有子名若字子有魯人為

人強識好古明習禮樂

位而失曰聞之

矣。喪欲速貧。死欲速朽。有子曰：是非夫子之言也。曾

子曰：參也。與子游聞之。有子曰：然。然則夫子有為言

之也。曾子以斯言告于子游。子游曰：甚哉有子之言

似夫子也。昔者夫子居於宋。見桓司馬自為石槨。三

年而不成。夫子曰：若是其靡也。死不如速朽之愈也。

死○之○欲○速○朽○為○桓○司○馬○言○之○也○南○宮○敬○叔○反○

南宮適嘗失位

去衛后

必○載○寶○而○朝○

欲行路以

夫○子○曰○若○是○其○貨○也○

喪○不○如○速○貧○之○愈○也○喪○之○欲○速○貧○為○南○宮○敬○叔○言○之○

也○曾○子○以○子○游○之○言○告○于○有○子○有○子○曰○然○吾○固○曰○非○

夫○子○之○言○也○曾○子○曰○子○何○以○知○之○有○子○曰○夫○子○制○于○

中○都○

定公九年孔子為中都宰制棺槨之法

四○寸○之○棺○五○寸○之○槨○以○斯○

知○死○不○欲○速○朽○也○昔○者○夫○子○失○魯○司○寇○

為司寇一月以女樂去

將○之○荆○蓋○先○之○以○子○夏○又○申○之○以○冉○有○

先使二子繼往者欲觀楚

之○可○仕○以○斯○知○喪○不○欲○速○貧○也○

史記

孔○子○既○沒○弟○子○思○慕○之○以○有○若○狀○似○夫○子○相○與○共○

立○為○師○以○師○之○如○孔○子○時○也○他○日○弟○子○進○問○曰○昔○夫○

子○當○行○使○弟○子○持○雨○具○已○而○果○雨○弟○子○問○曰○夫○子○何○

以○知○之○夫○子○曰○詩○不○云○乎○月○離○于○畢○俾○滂○沱○矣○

離宿也畢

昔月離其星好雨月陰象

昨○暮○月○不○宿○畢○乎○他○日○月○宿○畢○竟○不○

雨○商○瞿○年○長○無○子○其○母○為○取○室○孔○子○使○之○齊○瞿○母○請○

之○孔○子○曰○無○憂○瞿○年○四○十○後○當○有○五○丈○夫○子○已○而○果○

然○敢○問○夫○子○何○以○知○此○有○若○默○然○無○以○應○遂○避○師○席○

子○韓○非○宓○子○賤○治○單○父○有○若○見○之○曰○子○何○懼○也○宓○子○曰○

并卷考

月畢不雨

子路問其

故孔子曰

昔月離其

陰故雨昨

月離其陽

故不雨作

傳以見有

子不如孔

子處故不

盡盡而文

蓋蘊藉

君不知賤不肖使治單父官事急心憂之故臞也有
若曰昔者舜鼓五絃歌南風之詩而天下治今以單
父之細也治之而憂治天下將柰何故有術而御之
身坐于廟堂之上有處女子之色無害于治無術而
御之身雖瘁臞猶未有益
荀子云有子惡卧而焮掌

真珠船卷之五

論語原本

按論語凡三家曰魯論者魯人所傳爲篇二十卽
今所行篇次是也曰齊論者齊人所傳爲篇二十
二蓋多問王知道二篇其二十篇中章句頗多于
魯論曰古論者魯共王時孔氏壁中所出也章句
與魯論不異唯分堯日子張問從政以下爲一篇
名曰從政或曰兩子張共二十一篇云其篇次亦
不與齊魯同漢成時安邑侯張禹素傳魯論晚講

齊論間采其善者從之號曰張侯論當世重焉自
張氏論行而齊古之論亡矣王克有齊論語自古
文二十一篇外又有魯及河間九篇凡三十篇意
必河間獻王所得而克曾見之者也今說文所引
有逸論語或者其遺文乎

論語所記孔子與人問答比及門弟子皆斤其名
未有稱名者雖顏冉高弟亦曰回雍至閔子獨云
子騫終此書無指名然則謂論語出於曾子有子
之門人又安知不出於閔氏之門人耶觀所言閔
子侍側之辭與冉有子貢子路不同亦可見矣

上論考異

漆雕開。古今人表作漆雕啟。

宰予晝寢。晝韓愈云舊本作畫。云畫彩也

微生高。古今人表作尾生高。

下論考異

棘子成。古今人表作葦子成。

裨諶。古今人表作卑湛。

祝鮀。古今人表作祝佗。

微生畝。古今人表作尾生晦。

公山拂擾。古今人表作公山不狃。

佛肸。古今人表作弗肸。

仲突仲忽。古今人表作中突中忽。

孝考

孝經 天子孝曰就。就之為言成也。天子德被天下，澤

及萬物，始終成就，則其親獲安，故曰就也。諸侯孝曰

度。度者法也。諸侯居國，能奉天子法度，則其親獲安，

故曰度也。卿大夫孝曰譽。譽之為言名也。卿大夫言

行布滿，能無惡稱，則其親獲安，故曰譽也。士孝曰究。

究者以明審為義。士始升朝，辭親入仕，能審資父事

君之禮，則其親獲安，故曰究也。庶人孝曰畜。畜者舍

畜為義。庶人舍情受朴，躬耕力作，以畜其德，則其親

獲安故曰畜也。

曲禮聽於無聲視於無形。先意承志不登高不臨深不苟訾。

不苟咲孝子不服闇不登危懼辱親也。

禮記親老出不易方復不過時親瘠色容不盛此孝子

之疏節也。疏節謂常行父沒而不能讀父之書手澤

存焉爾。母沒而杯棬不能飲焉口澤之氣存焉爾。不能

猶不忍也

坊記父母在不稱老言孝不言慈閨門之內戲而不嘆

曾子曰孝有三。大孝尊親其次弗辱其下能養公明

儀問於曾子曰夫子可以為孝乎曾子曰是何言與

君子之所謂孝者先意承志諭父母于道參直養者

也安能為孝子。大孝尊親嚴父配天也亨孰羶薌嘗而薦之非

孝也養也君子之所謂孝也者國人稱頌然曰幸哉

有子如此所謂孝也已。眾之本教曰孝其行曰養養

可能也敬為難敬可能也安為難安可能也卒為難

父母既沒慎行其身不遺父母惡名可謂能終矣。仁

者仁此者也。禮者履此者也。義者宜此者也。信者信

此者也。強者強此者也。樂自順此生。刑自反此作。

曾子曰夫孝置之而塞乎天地溥之而橫乎四海施諸後世而無朝夕推而放諸東海而準推而放諸西海而準推而放諸南海而準推而放諸北海而準詩云自西自東自南自北無思不服此之謂也。曾子曰樹木以時伐焉禽獸以時殺焉。夫子曰斷一樹殺一獸不以其時非孝也。

曾子曰身也者父母之遺體也。行父母之遺體敢不敬乎。居處不莊非孝也。事君不忠非孝也。宦官不敬非孝也。朋友不信非孝也。戰陳無勇非孝也。五者不

遂裁及其身敢不敬乎。孝有三小孝用力中孝用勞大孝不匱思慈愛忘勞可謂用力矣尊仁安義可謂用勞矣博施備物可謂不匱矣。父母愛之喜而弗忘。父母惡之懼而無怨。父母有過諫而不逆。父母既沒必求仁者之粟以祀之。此之謂禮終。

用勞行仁義功及人也不匱以天下養也

樂正子春下堂而傷其足數

月不出而有憂色。門弟子曰夫子之足瘳矣數月不出猶有憂色何也。樂正子春曰善如爾之問也善如爾之問也。吾聞諸曾子曾子聞諸夫子曰天之所生

予夏序曰
南陔廢則
孝養缺矣
言南方養
萬方故取
為名束誓
補亡詩三
章未云嗷
嗷林鳥受
哺于子養
隆敬薄惟
獸之似

地之所養。惟人為大。父母全而生之。子全而歸之。可謂孝矣。不虧其體。不辱其身。可謂全矣。故君子頃步而弗敢忘孝也。今予忘孝之道。予是以有憂色也。一舉足而不敢忘父母。一出言而不敢忘父母。一舉足而不敢忘父母。是故道而不徑。舟而不游。不敢以先父母之遺體行。殆一出言而不敢忘父母。是故惡言不出於口。忿言不反于身。不辱其身。不羞其親。可謂孝矣。頓當作跬。一舉足為跬。再舉足為步。坊記。君子弛其親之過。而敬其美。

悌考

禮記 朝廷同爵則尚齒。七十杖於朝。君問則席。八十不俟朝。君問則就之。而弟達乎朝廷矣。行肩而不併。不錯則隨。見老者則車徒辟。斑白者不以其任行乎道路。而弟達乎道路矣。居鄉以齒。而老窮不遺。強不犯弱。衆不暴寡。而弟達乎州巷矣。古之道。五十不為甸徒。頒禽隆諸長者。而弟達乎搜狩矣。軍旅什伍。同爵則尚齒。而弟達乎軍旅矣。孝弟發諸朝廷。行乎道路。至乎州巷。放乎搜狩。修乎軍旅。衆以義

死之而弗敢犯也。天子設四學。四代之學當入學而太

子齒。不以貴加人天子巡狩。諸侯待於竟。天子先見百年

者。壹命齒於鄉里。再命齒於族。三命不齒。族有七

十者弗敢先。七十者不有大故不朝。若有大故而入

君必與之揖讓。而后及爵者。

禮曲年長以倍。則父事之。十年以長。則兄事之。五年以

長。則肩隨之。羣居五人。則長者必異席。長者與

之提携。則兩手奉長者之手。負劍辟咄詔之。負童子于背領

頭就其口旁而告語之則掩口而對。侍坐于長者。屨不上于

堂。解屨不敢當階。就屨跪而舉之。屏于側。長者不送則就屨所

在跪而取之又必屏退于側鄉長者而屨。跪而遷屨。俯而納屨。

父之齒隨行。兄之齒鴈行。朋友不相踰。少小子走

而不趨。舉爵則坐祭立飲。不敢與尊者並禮洗盥執食飲者

勿氣。不使衝尊者有問焉。則辟咄而對。偏其以對

搔之出入則或先或後而敬扶持之進盥少者奉槃

長者奉水請沃盥盥卒授巾問所欲而敬進之柔色

以溫之。溫蘊也承藉尊者之意也

男女未冠笄者雞初鳴咸盥

漱節繼拂髦總角衿纓皆佩容臭昧爽而朝問何食

飲矣若已食則退若未食則佐長者食具在父母

舅姑之所有命之應唯敬對進退周旋慎齊升降出

入揖遊不敢噦噫嚏咳欠伸跛倚睇視不敢唾嚏

寒不敢襲癢不敢搔不有敬事不敢袒裼不涉不擻

襲衣衾不見裏

襲重衣也不擻不涉水不敢褰裳也

父母唾涕不見

冠帶垢和灰請漱衣裳垢和灰請澣衣裳綻裂紉釐

請補綴

唾涕即刷去之不使示見也貫針曰紉

五日則燂湯請浴三

日具沐其鬮面垢燂潘請澣足垢燂湯請洗少事長

賤事貴共帥時

燂溫也潘泔米汁水面曰澣帥備也

父母姑舅之命

勿逆勿怠若飲食之雖不耆必嘗而待加之衣服雖

不欲必服而待加之事入代之已雖弗欲姑與之而

姑使之而后復之父母有過下氣怡色柔聲以諫

諫若不入起敬起孝說則復諫不說與其得罪於鄉

黨州閭寧孰諫孰諫父母怒不說而撻之流血不敢疾怨

守身事親之謂也

起敬起孝。父母有婢子，若庶子庶孫，甚愛之。雖父母沒，沒身敬之不衰。子甚宜其妻，父母不說出，子不宜其妻。父母曰：是善事我，子行夫婦之禮焉。沒身不衰。父母雖沒，將為善。思貽父母令名，必果。將為不善，思貽父母羞辱，必不果。適子庶子，祇事宗子。宗婦雖富貴，不敢以富貴入宗子之家。雖眾車徒，舍于外，以寡約入。舍止也曾子曰：孝子之養老也，樂其心，不違其志，樂其耳目，安其寢處，以其飲食忠養之。孝子之身終，終身也者，非終父母之身，終其身也。是

誦詩養性情也
 學舞養血脈也

故父母之所愛亦愛之，父母之所敬亦敬之。至于犬馬，盡然而况于人乎？子初生，男子設弧于門左，女子設帨于門右。三日始負子，男射女否。子能食食，教以右手，能言，男唯女俞。六年教之數與方名。七年男女不同席。八年出入門戶及卽席飲食，必后長者。始教之以讓。九年教之數日。十年出就外傅。居宿于外，學書記。數日三十日也。書六書數九數。衣不帛襦袴，禮帥初朝夕學，幼儀，請肄簡諒。肄習之，于師請擇其簡易信實者。十有三年，學樂，誦詩，舞勺。文舞成童，舞象。武舞學射御。勺美，武王

之詩誦清廟。二十而冠。始學禮。可以衣裘帛。舞大

夏。惇行孝弟。博學不教。內而不出。不出言自內蓄德未敢出而為師表

教人。三十而有室。始理男事。博學無方。孫友視志。

也。孫遜。四十始仕。方物北方事物出謀發慮。道合則服從。

不可則去。五十命為大夫。服官政。七十致事。

此處有模糊文字，似為《禮記》原文之影印或抄寫，內容與右側文字相合。

子夏考

子夏姓卜名商衛人篤信夫子以文章著名

關里。子夏衣若懸鶉。或曰子何不仕。曰諸侯之驕我

者。吾不為臣。大夫之驕我者。吾不復見。柳下惠與後

門者同衣而不見疑。非一日之間也。及見曾子。曾子

曰何肥也。吾入見先王之義則榮之。出見富貴又榮

之。兩者不知勝負。故懼。今先王之義勝。故肥也。

子夏讀詩已畢。孔子問曰。爾亦何大於詩也。問知詩之為用

大。子夏對曰。詩之於事也。昭乎若日月。燎乎如星辰。

上有堯舜之道。下有三王之義。雖居蓬戶之中。彈琴

韓子云子夏入聞聖道而悅出見紛華盛麗而悅是以得道而肥從欲而癯

以咏先王之風亦可以發憤忘食矣。

韓詩外傳魯哀公問子夏曰五帝有師乎子夏曰有商聞

黃帝學乎太真顓頊學乎綠圖帝學學乎赤松子堯

學乎尹疇舜學乎務成跗禹學乎西王國湯學乎威

子伯文王學乎鮫時子斯武王學乎郭叔周公學乎

太公吾夫子學乎老聃此雖聖人亦必有師也

檀弓子夏喪其子哭之失明曾子吊之子夏哭曰天乎

予之無罪也曾子曰商汝何無罪也吾與汝事夫子

于洙泗之間退而老于西河之上使西河之民疑汝

於夫子爾罪一也喪爾親使民未有聞也爾罪二也

喪爾子喪爾明爾罪三也而曰爾何無罪與子夏投

杖而拜曰吾過矣吾過矣吾離羣而索居亦已久矣

子夏既除喪而見孔子孔子與之琴使之絃授琴而

和之不和彈之而不成聲作而曰哀未忘也先王制

禮而不敢過也子張既除喪而見予之琴和之而和

彈之而成聲作而曰先王制禮不敢不至焉

子夏嘗返

衛見讀史

志者曰晉

師伐秦三

水渡河子

夏曰非也

已亥耳讀

史志者問

諸晉師果

曰已亥衛

以子夏為

聖

子夏習于

詩今毛詩

叙子夏之

遺說也又

受易春秋

十孔子公

羊高穀梁

亦從之學

春秋又傳

禮著在禮

志

後孔子沒

子夏教授

于西河衛

又侯師之

名聞諸侯

微謔似銘
奇極

真珠解

卷之五

十一

畢如也。宰如也。墳如也。鬲如也。則知所息矣。子貢曰：大哉死乎！君子息焉，小人伏焉。

畢宰四字皆形容其突起之貌，小人雖貪

戀不已至此不容不伏

左傳 吳徵會于衛，吳子在橐臯使 衛辭吳盟，吳人藩衛

侯之舍，子貢乃束錦以行。以往 見太宰嚭，語及衛故。

誣曰：衛君之來也，緩寡君懼，故將止之。子貢曰：衛君

之來，必謀于眾，或欲或否，是以緩來。其欲來者，子之

黨也。其不欲來者，子之仇也。若執衛君，是墮黨而崇

仇也。合諸侯而執衛君，或者難以霸乎？

見哀公十二年

史記 齊田常欲作亂，憚高國、鮑晏，故移其兵，欲以伐魯。

孔子聞之，謂門弟子曰：夫魯墳墓所處，父母之國，國

危如此，二三子何為莫出？子貢請行，夫子許之，遂行。

至齊，說田常曰：君之伐魯過矣。夫魯難伐之國，其城

薄以卑，其地狹以淺，其君愚而不仁，大臣僞而無用，

其士民又惡甲兵之事，此不可與戰。君不如伐吳，夫

吳城高以厚，地廣以深，甲堅以新，士選以飽，重器精

兵，盡在其中。又使明大夫守之，此易伐也。田常忿然

左傳定公十四年，邾隱公來朝，邾子執玉，高其容仰，公受玉，卑其容俯，子貢曰：以禮觀之，二君皆有死焉。夫禮死，生存凶之，禮也。將左，右周旋進退，俯仰于，是乎取之。

真珠解

卷之五

十一

朝之文成
之今年月
相朝而皆
不度嘉事
不體何以
能久高仰
驕也卑俯
替也驕近
亂替近疾
君為主其
亾乎

作色曰子之所難人之所易子之所易人之所難而
以教常何也子貢曰臣聞之憂在內者攻強憂在外
者攻弱今君憂在內吾聞君三封而三不成者大臣
有不聽者也今君破魯以廣齊戰勝以驕主破國以
尊臣鮑晏等帥師伐魯若魯破則有功而尊矣而君之功不與焉則交日
踈于王是君上驕主心下恣羣臣君之立乎齊危矣
故曰不如伐吳伐吳不勝民人外死大臣內空孤主
制齊者惟君也田常曰善吾兵業已加魯矣去而之
吳大臣疑我奈何子貢曰君按兵無伐臣請往使吳

王令之救魯而伐齊君因以兵迎之田常許之使子
貢南見吳王說曰臣聞王者不絕世霸者無強敵千
鈞之重加銖兩而移千鈞喻齊加銖兩喻魯今以萬乘之齊而

私千乘之魯與吳爭強竊為王危之且夫抹魯顯名
也伐齊大利也救魯以撫泗上諸侯除暴齊以服強
晉利莫大焉名存亡魯寔困強齊智者不疑也吳王
曰善雖然吾嘗與越戰棲之會稽越王苦身養士有
報我心待我伐越而聽子子貢曰越之勁不過魯吳
之疆不過齊王置齊而伐越則齊已平魯矣且王方

以存亾繼絕爲名。乃伐小越而畏強齊非勇也。今存越示諸侯以仁。救魯伐齊。威加晉國。諸侯必相率而朝。吳伯業成矣。且王必惡越。臣請東見越王。令出兵以從。此實空越名。從諸侯以伐齊也。吳王大悅。乃使子貢之越。越王除道郊迎。身御至舍而問曰。此蠻夷之國。大夫何以儼然辱而臨之。子貢曰。今者吾說吳王以抹魯伐齊。其志欲之而畏越。曰待我伐越乃可。如此則破越必矣。且夫無報人之志。而令人疑之。拙也。有報人之意。而使人知之。殆也。事未發而先聞。危

也。二者舉事之大患。句踐稽首再拜曰。孤嘗不料力。乃與吳戰。困于會稽。痛入於骨髓。日夜焦唇乾舌。徒欲與吳王接踵而死。孤之願也。遂問子貢。子貢曰。吳王爲人猛暴。羣臣不堪。國家敝于數戰。士卒勿恐。百姓怨上。大臣內變。子胥以諫死。太宰嚭用事。順君之過以安其私。是殘國之治也。今王誠發士卒。佐之以邀其志。重寶以悅其心。卑辭以尊其禮。其伐齊必也。彼戰不勝。王之福也。戰勝必兵臨晉。臣請比見晉君。令共攻之。弱吳必矣。其銳兵盡於齊。重甲困于晉。而

王制其敝。此滅吳必矣。越王大悅許諾。使大夫種頓首言于吳王曰。東海役臣孤勾踐。聞大王將興大義。誅強救弱而撫周室。請悉起境內士卒三千人。孤請自披堅執銳。以先受矢石。因越賤臣種奉先人藏器甲二十領。屈廬之矛。步光之劍。以賀軍吏。吳王大悅。以告子貢曰。越王欲以身從寡人伐齊可乎。子貢曰。不可。夫空人之國。悉人之衆。又從其君不義。君受其幣。許其帥而辭其君。吳王許諾。乃謝越王。于是吳王乃遂發九郡兵以伐齊。子貢因去之晉。謂晉君曰。臣

王文公曰
以變詐之
說亡人之
國而求自
存非賢者
之行也矧
曰孔子使
之哉太史
亦謂學者
多稱七十
子之徒
者或過其
寔毀者
損其真子
貢雖好辨
詭至于此

聞之慮不先定。不可以應卒。兵不先辦。不可以勝敵。今夫齊與吳戰。彼戰而不勝。越亂之必矣。與齊戰而勝。必以其兵臨晉。晉君大恐曰。爲之奈何。子貢曰。修兵修卒以待之。晉君許諾。子貢去而之魯。吳王果與齊人戰於艾陵。齊地大破齊師。獲七將軍之兵而不歸。果與兵臨晉。與晉人相遇于黃池之上。衛地吳晉爭疆。晉人擊之。大敗吳師。越王聞之。涉江襲吳。去城七里而軍。吳王聞之。去晉而歸。與越王戰于五湖。三戰不勝。城門不守。越遂圍王宮。殺夫差而戮其相。太宰破

亦所謂損
其真矣

善為說辭
又曰貨殖

吳三年東向而伯。孔子曰夫其亂齊存魯吾之初願若疆晉以敝吳使吳亡而越霸者賜之說也美言傷信慎言哉。子貢有口才著名孔子每詘其辯家富累千金好販與時轉貨歷相魯衛而終于齊。

林時譽問羅近溪曰昔人謂子貢晚年進德如謂仲尼日月也如天之不可階而升也真是尊信孔子到至處先生曰此是子貢到老不信夫子處如何為進德孔子一生之學只是求仁只是行恕大子此仁恕即一時將天下萬世都貫徹了子貢不知只望夫子得那家且追恨木見綏來助仰之化其見不逮儀封人遠矣。

北辰考

朱子曰北辰北極天之樞也辰旁小星謂之極星

玉海曰天圓而動包乎地外天形半覆地上半繞地下其樞紐則在南北之端焉南極入地三十六度故周回七十二度常隱不見北極出地三十六度故周回七十二度常見不隱北極有五星在紫微中其最中為太乙正在常見不隱七十二度之中常居其所而不動其旁則經星隨天左旋日月五緯右轉皆若環繞而向之蓋太乙如人主北極如帝都帝座唯在紫微者据北極七十二度常見不隱之中故有北辰

秘理論云
極南為大
陽極北為
太陰日月
五星行太
陰則無光
行太陽則
能照故為
昏明寒暑
之限極也

文耀鉤曰
中宮大帝
其精北極
早含元出
氣流精生
物也

之號而常居其所蓋天形運轉晝夜不息而此為之
樞也若太微之在翼天市之在尾攝提之在亢其南
距赤道近其北距天極遠則固不容于不動而不免
于二十八宿同其運行矣

星書北極五星在紫微宮中一名天極一名北辰其
紐星天之樞也天運無窮三光迭曜而極星不移

宋中興天文志云天樞紐星在四輔宮是為天皇大
德其神曰耀魄寶北極五星初一日帝次二曰后次

三曰妃次四曰太子次五曰庶子是知中宮帝星當
為北極星家以第一星太子二帝座三庶子四后宮

五天樞倒置之矣

金履祥曰北極無星故謂之辰按星書稱辰不一
如大火謂之火辰水星謂之辰星十二支謂之十
二辰日月星謂之二辰五行之時又謂之五辰其
義蓋起於辰巳之辰辰位乃星纏之首歲紀之始
也北辰居所為經星之長水星近輔乎日為行星
之長大火天帝之座為舍星之長故三者皆稱辰
焉左傳云日月之會謂之辰一歲日月十二會日
月所會始於東方蒼龍角亢之星角亢始於辰故
以所始者名之五行之時亦
稱五辰書云撫于五辰是也
宋史天文志云極星之在紫垣為七耀三垣二十
八宿所共乃天之正中而自唐以來曆家以像象
考測中國南北極之正實去極星之北一度有半
此中原地勢之度數也遠道宗曰吾聞北極之

下為中國。觀此則華夷之分。天定之矣。豈偶然哉。
 按北斗第一星亦名天樞。晉志謂北斗為七政
 之樞機。建四時而均五行。故邢昺以北斗為北極。
 不知北斗天樞去北極二十三度半。入張宿十度。
 與居所之
 說謬矣。

詩三百考

玉海孔子世家古者詩三千餘篇。至孔子取其可施于
 禮義者三百十一篇。亡其辭者六篇。考之義禮皆笙
 詩也。曰笙曰樂曰奏。而不言歌。則有聲而無辭明矣。
 漢世毛學不行。故云三百五篇。詩有先孔子而亾者。
 如新宮狸首之類。

墨子誦詩三百。絃詩五百。歌詩三百。舞詩三百。則今所
 存十一千百耳。

宋史今詩三百五篇。豈盡定于聖人者。所刪之詩。容或

有存于閭巷浮薄之口。漢儒取以補亡。乃定二南各十有一篇。兩兩相配。退何彼穠矣。甘棠歸之王風。削去野有死麕。黜鄭魏淫奔之詩。

陽明子

孔子所定三百篇。皆所謂雅樂。可奏之郊廟。奏

之鄉黨。皆所以宣暢和平。涵泳德性。移風易俗。安得有鄭魏之音哉。此必秦火之後。世儒附會。以足三百篇之數耳。

蓋言曰。詩有大序。詩之總序也。有小序。諸詩之首序也。詩譜大序。子夏所作。小序。子夏毛公合作。子貢詩傳湮滅。而無傳。至我

明郭子章始獲之。其傳二南後次。鴟鴞泮水諸篇。為魯風。而無魯頌。唐棣為王風。邠風為小雅。又以樛木為美文王。小星為奉使。兩無正為。兩無其極。作周室播遷。大雅下武為大武。然則夫子刪詩。世遠時湮。并經秦火。浸失其故多矣。且魯何以無風。而有頌。邠述祖先。何以為風。鴟鴞諸作。于豳風。何與唐棣王風。而係南。鄭衛淫辭。何以弗去。則三百篇之疑義。安得犁然一正之。

蘇 揮兮 狡童 褰衣 東門之墀 風雨
子衿 揚之水 出其東門 野有蔓草 溱與

齊 十篇

雞鳴 子之還 俟我于著 東方之日 東方未
明 南山 甫田 盧令令 敝笱 載驅 猗嗟

魏 七篇

葛履 汾沮 園有桃 陟岵
十畝之間 伐檀 碩鼠

唐 十三篇

蟋蟀 山有樞 揚之水 椒聊 綢繆 扶杜
羔裘 鶉羽 無衣 有狀之杜 葛生 采芣

秦 十篇

有車鄰鄰 駟鐵 小戎 蒹葭 終南
黃鳥 晨風 無衣 渭陽 權輿

陳 十篇

宛丘 東門之粉 衡門 東門之池 東門之楊
墓門 防有鵲巢 月出 株林 澤陂

檜 四篇

羔裘 素冠 匪風
隰有萋楚

曹 四篇

蟋蟀 侯人
鳴鳩 下泉

豳 七篇

七月 鴟鴞 東山 破斧
伐柯 九罭 狼跋

小雅

雅者正也正樂之歌也小雅燕享之樂多
周公制作時所定及其變各以聲附之

鹿鳴

四牡

皇皇者華

棠棣

伐木

天保

采芣

出車

杖杜

南陔

白華

淇露

華黍

南山有臺

由儀

蓼蕭

車攻

吉日

彤弓

菁菁者莪

六月

采芑

車攻

吉日

鴻雁

庭燎

沔水

鶴鳴

祈父

白駒

黃鳥

我行其野

斯干

無羊

節彼南山

小弁

正月

十月之交

雨無正

小旻

小宛

大東

巧言

何人斯

巷伯

谷風

蓼莪

鼓鐘

楚茨

四月

北山

無將大車

小明

鼓鐘

楚茨

信南山

甫田

大田

瞻彼洛矣

裳裳者華

桑扈

鴛鴦

碩弁

車牽

青蠅

賓筵

魚藻

采芣

角弓

苑柳

都士

采芣

黍苗

采芣

白華

綿蠻

瓠葉

漸漸之石

茗之

何草不黃

大雅

會朝之樂

大工

大明

縣縣

棫樸

旱麓

思齊

皇矣

靈臺

下武

文王有聲

生民

行葦

既醉

鳧鷖

假樂

公劉

洞酌

卷阿

民勞

板

蕩

抑

桑桑

雲漢

崧高

韓奕

江漢

常武

瞻卬

召旻

頌三十一篇

頌者宗伯之樂歌所謂美盛德之
形容以其成功告于神明者也

清廟

維天之命

維清

烈文

天作

昊天有

戒命

我將

時邁

執競

思文

臣工

噫嘻

振鷺

豐年

有瞽

潛

雝

載見

有客

武

閔予小子

訪落

敬之

小毖

載芟

良耜

絲衣

酌

卣

桓

賚

般

魯頌

四篇

駟 有駟
泮水 閼宮

商頌 五篇

那 烈祖 玄鳥
長發 殷武

辨 桑中、東門之墀、溱洧、東方之日、東門之池、東門之揚、月出、序以為刺淫而朱傳以為淫者所自作、靜女、木瓜、采芣、丘中有麻、將仲子、遵大路、有女同車、山有扶蘇、薜荔、狡童、褰裳、子之丰、風雨、子衿、揚之水、出其東門、野有蔓草、序本別指他事而朱傳亦以為淫者所自作、夫以淫昏不檢之人、發而為放蕩無耻之詞、

而其詩篇之繁多如此。夫子猶存之。則不知其所刪何等篇也。夫子之言曰：思無邪。如序者之說。則雖詩詞之邪者亦必刪矣。且木瓜、遵大路、風雨、子衿、諸篇。雖或其詞間未莊重。然首尾無一字及婦人。而謂之淫邪可乎。蓋嘗論之。均一勞苦之詞也。出于序情閼勞者之口。則為正雅。而出于困役傷財者之口。則為變風也。均一淫佚之詞也。出于奔者之口。則可刪。而出于刺奔者之口。則可錄也。均一愛戴之詞也。出于愛桓叔共叔者之口。則可刪。而出于刺鄭莊晉昭者

之口則可錄也。

出下... 變風... 魯頌美僖公牧馬之

魯頌美僖公牧馬之

豨豨平蓋嘗備之

豨豨其隨間米重然首氣無

豨豨其隨間米重然首氣無

豨豨其隨間米重然首氣無

豨豨其隨間米重然首氣無

思無邪

魯頌美僖公牧馬之盛由其立心之遠也

駟駟牡馬在坰之野

駟駟腹幹肥張貌林外謂之坰

薄言駟者有驕

有皇有驪有黃

驪馬白跨曰驕黃白曰皇純黑曰驪黃驂曰黃

以車彭彭

馬而駕車則彭彭然充盛

思無疆思馬斯臧

蓋繇我公之心思有長久之謀思及於馬

蓄育有道斯彭彭然而臧之若是耳

駟駟牡馬在坰之野薄言駟者

有騅有駉有騂以車伾伾

蒼白雜毛曰騅黃白雜毛曰駉赤黃曰騂

青黑曰騂

思無期思馬斯才駟駟牡馬在坰之野薄言

駟者有驪有駉有騂以車驛驛

青驪驂曰驛白馬黑鬣曰駉赤

身黑鬣曰駉黑身白鬣曰騂

思無斃思馬斯作

駟駟牡馬在坰

齊禮考

禮周大司徒之職。掌建邦之五典。親義序別信以佐王擾邦

國訓萬民。因此五物者民之常。而施十有二教焉。

六節則然。一曰以祀禮敬。則民不苟。二曰以陽禮教讓。則民不爭。三曰以陰禮教親。則民不怨。四曰以樂禮教和。則民不乖。五曰以儀禮辨等。則民不越。六曰以俗教安。則民不偷。七曰以刑教中。則民不曠。八曰以誓教恤。則民不怠。九曰以度教節。則民知足。十曰以世事教能。則民不失職。十有一曰以賢制爵。則民慎德。十有二曰以庸制祿。則民興功。

正月之吉始和。布教于邦國都鄙。乃縣教象之法於象魏。使萬民觀教象。挾日而歛之。

政刑考

家仲弓問於孔子曰。雍聞桀紂之世。至刑無所用。政

成康之世。至政無所用。刑信乎。孔子曰。聖人之治化

也。必刑政相參焉。太上以德教民。而以禮齊之。其次

以政事道民。以刑禁之。刑不刑也。化之弗變。道之弗

從。傷義而敗俗。於是乎用刑矣。顯五刑。必即天倫。顯

也。即行刑罰。則輕無赦。刑。劓也。劓。成也。劓。與形同。言不可變。壹

成而不更。故君子盡心焉。大司寇正刑明辟。以察獄

獄必三訊焉。一日訊羣臣。二日訊羣吏。三日訊萬民。有指無簡。則不聽

也。當決之罪三訊然後決其輕重若有附從輕赦從

重。附人之罪以輕為比疑獄則汎與眾共之疑則赦

之皆以小大之比成也。此猶例也因其罪之大小各以其例察而成之惟其公也

是故爵人必於朝與眾共之也刑人必於市與眾棄

之也仲弓曰聽獄獄之成成何官孔子曰成獄成於

吏吏以獄成告於正。正獄官長正既聽之乃告大司寇聽

之乃奉於王王命三公卿士參聽棘木之下。外朝法左九棘

孤卿大夫位焉右九棘公侯伯子男位焉面三槐三公位然後乃以獄之成疑於

王。成定也王三宥之以聽命。三有一不識二過失三遺忘也而制刑焉

所以重之也仲弓曰其禁何禁孔子曰巧言破律

法遁名改作。變言與物名也執左道以亂政者殺作淫聲造

異服設奇伎奇器以蕩上心者殺行偽而堅言詐而

辯學非而博順非而澤以惑眾者殺假於鬼神時日

卜筮以疑眾者殺此四誅者不以聽。不聽棘木之下

書呂典獄非訖于威惟訖于富。訖盡也威權勢也富賄賂也典獄之官非

刑唯得盡法於權勢之家亦惟敬五刑以成三德一

人有慶兆民賴之其寧惟永。敬五刑之用以成剛柔正直之德則君慶于上

民賴于下兩造具備師聽五辭五辭簡孚正于五刑五

刑未始

刑不簡。正于五罰。五罰不服。正于五過。兩造兩爭者皆至也師衆

也五辭麗于五刑之辭也簡核其寔也乎無可疑也

正質也不簡者辭與刑參差不應也罰贖也疑與刑

則質于罰也不服者辭與罰又不應也

過誤也疑于罰則質于過而有之也

惟官。威勢惟反。德怨惟內。女惟貨。賄惟來。干請其罪惟均。其

審克之上刑適輕下服。下刑適重上服。輕重諸罰有

權。刑罰世輕世重。惟齊非齊。有倫有要。事在上刑而情適輕則服

下刑事在下刑而情適重則服上刑權者推遷其輕

重之宜也世輕世重者周官刑新國用輕典刑亂國

用重典隨世為輕重者也惟齊非齊

者法之權也有倫有要者法之經也

于茲祥刑。諸侯受天子良民善衆皆監視于此祥刑也

孟懿子傳

仲孫氏名何忌孟僖子之子

左傳昭公十一年孟僖子會邾莊公盟于侵祥。泉石人

有女夢以其帷幕孟氏之廟。遂奔僖子。其僚隣從之。

盟于清丘之社。二女自盟曰有子無相棄也。僖子遂助遠

氏之遙。僖子副妾也反自侵祥。宿于遠氏。生懿子及南宮

敬叔。于泉丘人。其僚無子。使字敬叔。

左傳初僖子從昭公如楚。不能相禮。及歸。乃講學之。及

其將死也。召其大夫曰。禮人之幹也。無禮無以立。吾

聞孔丘聖人之後也。其祖弗父何。始有宋。而詞讓厲

二女同奔遂生二大賢奇

懿子獵得
麋使西秦
巴守之其
母隨而呼
西秦巴不
忍而與其
母懿子適
至求麋不
得怒逐之
居三月復
召為其子
傅曰夫子
不忍麋又
豈忍我子
乎

真珍舟 卷之五 三十一

公及正考父佐戴武宣三命滋益恭故其鼎銘曰
一命而僂再命而偃三命而俯循墻而走亦莫敢予
侮。饘于是。粥于是。以糊予口。其共也如是。吾聞臧孫
紇有言曰。聖人有明德者。若不當世。其後必有達者。
今其在孔丘乎。我若獲沒。必屬說即敬與何忌于夫
子。使師事之。而學禮焉。故懿子與南宮敬叔師事仲
尼。仲尼曰。能補過者。君子也。

按昭公伐季氏。公使邾孫逆孟懿子孟氏執
邾昭伯殺之。遂伐公徒。見昭公二十五年

孟武伯考 孟武伯仲孫彘又
各洩懿子之了也

左傳 哀公十四年 孟孺子洩 即武伯也 將圍馬于成 孟氏成

宰公孫率不受 不許 曰孟孫為成之病 不閉馬焉 孟孫

以成邑之民 窮困恐妨民 孺子怒襲成 從者不得入 備禦 乃反成

有司使武伯鞭之 鞭成之使人也 秋八月辛丑孟懿子卒 成

人奔喪弗內 袒免哭于衢 聽共弗許 成人袒免發喪

命供使孟 氏亦不許 懼不歸 成人懼 十五年成叛于齊 武伯伐

成不克 遂城輸 以逼 十七年公會齊侯盟于蒙 齊侯

弟平公 孟武伯相齊 侯稽首 公拜 齊人怒 武伯曰 非

真珍舟 卷之五 三十一

少能用命
謂孟之反

須也弱冉
有日年雖

師矣違為
右李孫曰

武叔蒐乘
冉求帥左

守氏
左傳哀公

一一年齊
伐魯及清

天子寡君無所稽首武伯問于高柴曰諸侯盟誰執

牛耳盟主者柴曰鄒衍之役吳公子姑曹發陽之役衛

石魍武伯曰然則彘也鄒衍則大國執發揚則小國執據時執者無常故武伯曰

以爲可執

清之役孟孺子洩帥右師顏羽御邴洩爲右孟氏子

語人曰我不如顏羽而賢于邴洩子羽銳敏我不欲

戰而能默洩曰驅之言欲奔也

子游考

姓言名復字子游吳人

子行云家先成其慮

孔子問居子游侍曰敢問禮子曰郊社之禮所以

仁鬼神也禘嘗之禮所以仁昭穆也饋奠之禮所以

仁死喪也射饗之禮所以仁鄉黨也食饗之禮所以

仁賓客也是故居家有禮故長幼辨閨門有禮故三

族和朝廷有禮故官爵序田獵有禮故戎事閑軍旅

有禮故武功成游退而學禮

孔子與于蜡賓事畢出遊于觀之上喟然而嘆偃侍

曰夫子何嘆孔子曰昔大道之行天下爲公今大道

論語摘輔象曰子游

深文是為
敏士
按子游在
聖門號為
習禮又以
文學稱其
宰武城以
禮樂為教
邑人皆絃
歌至于今
蘇州府有
子游塚云

既隱。天下為家。偃曰。今之在位。莫知由禮。何也。孔子曰。我觀周道。幽厲傷之。吾舍魯何適矣。夫魯之郊禘。非禮也。周公其衰矣。杞之郊也。禹也。宋之郊也。契也。是天子之事。守也。惟此二國可以世守天子之事周公攝政致太平。而與天子同是禮也。周公雖致太平。不過人臣。乃與天子同是禘。是周公之道衰也。檀弓。司寇惠子之喪。子游為之麻衰。牡麻經。惠子衛將軍文子彌牟之弟。惠子廢適子虎而立庶子。故子游特為非禮之服。譏之。麻衰以吉服之布為衰也。牡麻經以雄麻為之。文子辭曰。子辱與彌牟。文子之弟遊。又辱為之服。敢辭。辭其服子游曰。禮也。特為非禮之服。以訊之。非真禮也。文子

還反哭。子游趨而就諸臣之位。文子又辭曰。子辱與彌牟之弟游。又辱為之服。又辱臨其喪。敢辭。辭其立於臣位子游曰。固以請。文子退。扶適子南面而立。曰。子辱與彌牟之弟游。又辱為之服。又辱臨其喪。虎也。敢不復位。復就喪主之位子游趨而就客位。將軍文子彌牟之喪。既除而後。越人來弔。主人深衣練冠。待於廟。垂涕洟。禮無弔人于除喪之後。深衣。吉凶可以通用。小祥練服之冠。不純吉。亦不純凶。待而不迎。受弔之禮也。子游觀之。曰。將軍不哭而垂涕。時已過而哀未忘也。文氏之子。其庶幾乎亡于禮者之禮也。其動也中。

曾子襲裘而弔全衣子游裼襲而弔單衣曾子指子

游而示人曰夫夫也為習于禮者如之何其裼裘而

弔也主人既小斂袒括髮出襲裘帶經而入曾子曰

我過矣我過矣夫夫是也

說季康子謂子游曰仁者愛人人愛之乎子游曰然

康子曰子產死鄭之人丈夫捨玦佩婦人捨珠珥巷

哭三月不聞竽瑟之聲仲尼死不聞魯國愛之若是

何也子游曰譬子產于夫子猶浸水之與天雨乎浸

水所及人得而知之也天雨所及人不得而知之也

子張考姓顓孫名師陳人

家語子張問入官於孔子子曰安身取譽為難子張曰

為之如何子曰已有善勿專教不能勿怠已過勿發

失言勿倚不善勿遂行事勿留君子入官有此六者

則身安譽至而政從矣忿數者獄之所由生也距諫

者慮之所以塞也慢易者禮之所以失也怠惰者時

之所以後也奢侈者財之所以不足也專獨者事之

所以不成也君子入官除此六者則身安譽至而政

從矣

諒盡古今
官術然學
術亦在其
中

韓詩外傳子張子夏相與論終日不決子夏詞氣甚隘顏

色甚變子張曰子亦聞夫子之議論耶徐言閭閻威

儀翼翼後言先嘿得之推讓巍巍乎道有歸矣小人

之論也專意自是言人之非瞋目搥腕疾言噴噴口

沸目赤一幸得勝疾笑噍噍是以君子賤之也

子貢曰美功不伐貴位不喜不侮不佚不傲無告是

顯孫師之行也孔子言之曰其不伐則猶可能也其

不獎百姓則仁也檀弓子張病召申詳子張之子而語之

曰君子曰終小人曰死吾今日其庶幾乎

季康子考康子名肥桓子之庶子也

左傳哀公三年秋桓子有疾命正桓子寵臣常曰無死欲行

故事勅令南孺之子南也則以立而告之南孺子桓子之妻言

勿從已死女也則肥也可桓子卒康子即位既葬南

若生男告公而立之氏生男正常載以如朝告曰夫子有遺言命圉臣曰

南氏生男則告于君與大夫而立之今生矣男也敢

告遂奔衛康子請退公使共劉視之則或殺之矣乃

討之召正常正常不反復立康子康子欲召仲尼公

之魚曰昔吾先君用之不終為諸侯咲康子曰誰召

而可。曰必召冉求。齊國書帥師伐魯及清。康子用冉求之謀。敗齊師于艾陵。齊地齊師還。康子命修守備。曰小勝大禍也。齊至無日矣。十一年。康子欲以田賦。使冉有訪諸仲尼。仲尼曰。丘不識也。三發。卒曰。子為國老。待子而行。若之何。子之不言也。仲尼不對。而私于冉求。曰。君子之行也。度于禮。施取其厚。事舉其中。歛從其薄。如是則以丘亦足矣。丘十六井出戎馬一匹。若牛二頭。是賦之常法。不度于禮。而貪冒無厭。則雖以田賦。將又不足。且子季孫若欲行而法。則有周公之典在。若欲苟而行。又

何訪焉。弗聽。明年春。卒則田賦。二十四年。公如越。得太子適郢。越王太子名與。公相得和悅。將妻公而多與之地。公孫有山使告于季孫。康子懼。使因太子誣而納賂焉。乃止。康子恐公因越討已故。具二十五年六月。公至自越。康子與孟武伯逆于五梧。魯南鄙郭重僕見二子曰。惡言多矣。君請盡之。公晏于五梧。武伯為祝。上壽酒惡郭重曰。何肥也。訾毀郭重之貌季孫曰。請飲菹也。請使武伯飲罰酒以魯國之密邇。仇讐。臣是以不獲從君。克免於大行。得免從行之役又謂重也。肥。言重從君遠行。劬勞不宜稱肥。公曰。是食言多矣。能無肥乎。

以激三桓 飲酒不樂公與大夫始有惡 二十七年康子卒是歲哀

公康子問公亦奔越

之母曰主亦有以語

肥也對曰吾聞之先

婦曰君子能勞後世

有繼子夏聞之曰古

之嫁者不及舅姑謂

之不幸大婦學于舅

姑者也

魯有父子訟者康子欲殺之孔子曰未可殺也

康子曰治民以孝不亦可乎孔子曰否不教而聽其

獄殺不辜也上陳之教而民不從然後俟之以刑則

民知罪矣夫一仞之墻民不能踰百仞之山童子登

游焉凌遲故也今其仁義之凌遲久矣能謂民無踰

乎

惟孝友于兄弟

君陳篇周公遷殷頑民于下邑親自監之周公既沒成王命君

陳代公此其策命之辭

王若曰君陳

王成王君陳臣名

惟爾令德孝恭惟孝友于兄

弟克施有政命汝尹茲東郊

尹正也自王城言之則下都乃東郊之地敬

哉昔周公師保萬民民懷其德往慎乃司

令往東郊當慎

爾所司之職茲率厥常 循其師保之事懋昭周公之訓惟民其乂

我聞曰至治馨香感于神明

蓋聞周公之訓至治芬芳之氣感通神明

黍稷非馨明德維馨爾尚式時周公之猷訓惟日孜孜

無敢逸豫凡人未見聖若不克見既見聖亦不

克由聖。爾其戒哉。爾惟風。下民惟草。圖厥政莫或不艱。有廢有興。出入自爾師虞。庶言同則繹。

凡有所當廢有

所當興必出入反覆與眾共虞度之眾論同則又細繹思之而後行之

爾有嘉謀嘉

猷。則入告爾后于內。爾乃順之于外。曰斯謀斯猷。惟

我后之德。嗚呼。臣人咸若時。惟良顯哉。王曰。君陳

爾惟弘。周公丕訓。無依勢作威。無倚法以削。寬而有

制。從容以和。殷民在辟。予曰辟。爾惟勿辟。

言殷民在刑辟

者不可徇人君之意以為生殺予曰宥。爾惟勿宥。惟厥中。

刑宥惟合于中

有弗若于汝政。弗化于汝訓。辟以止辟。乃辟。

刑之而可以止

刑乃狃于姦宄。敗常亂俗。三細不宥。

人犯此三者則小罪亦不可宥

爾無忿疾于頑。無求備于一人。必有忍。其乃有

濟。有容德乃大。簡厥修。

簡別其修職業者

亦簡其或不修。

進厥良。以率其或不良。惟民生厚。因物有遷。惟上

所命。從厥攸好。爾克敬典。在德時。乃罔不變。允升于

大猷。惟予一人。膺受多福。其爾之休。終有辭于永世。

辭名譽也

後康王又命畢公保釐東郊。亦曰。惟周公左

右先王。綏定厥家。毖殷頑民。遷于洛邑。

即東郊

密邇王

室。式化厥訓。今予祇命公。以周公之事。惟周公克慎

故其享天下至久而諸侯內侵京師不振卒于廢為
 至弱之國何者優柔而易可以為久而不可以為強
 也若夫商人所以為天下者不可復見矣嘗試求之
 詩書詩之寬緩而和柔書之委曲而繁重者舉皆周
 也而商人之詩駿發而嚴厲其書簡潔而明肅以為
 商人之風俗蓋在乎此矣夫惟天下有剛強不屈之
 俗也故其后世有以自振于衰微然至其敗也一散
 而不可復此蓋物之强者易以折而柔弱者可以久
 存柔者可以久存而常困於不勝强者易以折而其

此亦皆養
 元氣之說

未也乃可以有所立此商之所以不長而周之所以
 不振也嗚呼聖人之慮天下亦有所就而已不能使
 之無弊也使之能久而不能強能以自振而不能以
 及遠此二者存乎其後世之賢與不賢矣太公封于
 齊尊賢而尚功周公曰後世必有篡弑之臣周公治
 魯親親而尊尊太公曰後世寢衰矣夫尊賢尚功則
 近於強親親尊尊則近於弱終之齊有田氏之禍而
 魯人困于盟主之令蓋商之政近於齊而周公之所
 以治周者其所以治魯也故齊強而魯弱魯未亾而

此亦皆然

齊亾也

茅鹿門曰、子由謂商之治尚嚴、故其享國不及周之八百、予竊疑商書曰、代虐以寬、則商之政未必一于猛也、禮記雖有商人先刑罰而後爵祿之言、要之多雜于漢儒附會之言、而未必聖人之至者、且周自平王以后、一變而為春秋、再變而為戰國、而周天子特懸空名于上者、五百餘年、蓋其列國各擅土地甲兵、而不能相一、而其所不敢屠周者、斯則文武禮教之遺澤在焉耳、商之六百未嘗不以天子臨諸侯也、故商之曆雖不及周、而其實過之、然以齊魯譬之、其迹若近、而其情不可考矣、愚按武王滅殷、百八十七年、而厲王流彘、稱共和者十四年、國無主也、而宣王立、至幽王十一年、犬戎滅周、合前共二百五十七年、周轍東而天下不復宗矣、論者曰、周過其曆、果足信乎、

真珠船卷之五終

李鴻章

真珠船

